

GOBANENG?

 Mantšiboa a mabotse, bagwera. Ka kgonthe ke monyetla wo mobotse go ba mo bosegong bjo le, selo se tee, go ba morago ka Arkansas, gomme, selo se sengwe gape, go ba mabaleng a kampa. Ke a dumela ye kampa ya ka ya mathomo ya dikopano tšeо ke di ilego nako ye telele. Gomme ke bile le taletšo go tla, le—le go thoma ka lena. Gomme ke kwele, ge e sa le re tšo tla ka gare, le bile le nako ya go makatša mo ka kopanong ye. Ke leboga seo kudu.

² Gomme, nna, go tla godimo go bapela le tsela, dinakwana di se kae tša go feta, le morwa wa ka, gomme re be re bolela ka mengwaga ya go feta ge la mathomo ke etla tlase fa go Arkansas, e bile ya pele ya dikopano tša ka. Ge la mathomo ke thomiša, e be e le ka Arkansas, ka go mohuta wa dikopano tša boebangedi, go le bjalo. Gomme ge e sa le go tloga nako yeo, ke bile makga a ſupago go dikologa lefase, gomme bjale morago ka Arkansas. Go bjalo ka tſhelete ye mpe, ka mehla o a e boetša. Ke na le, mogohle ke bilego, ke a nagana, ka United States, ke botſiſitše, “E ka ba batho fa go tſwa Arkansas?” Ka mehla ke bile le bagwera go tſwa Arkansas, gabotse e ka ba mogohle. Gomme ka mehla ke rile: tše dingwe tša dipelo tša go rereša kudu, ke a dumela, seo se kilego sa betha, e bile ka tlase ga tšona dihempe tša kgale tše bolou tlase fa ka Arkansas. Batho ba bakaone ka kgonthe! Ke a le rata.

³ Gomme ke—ke thabela Modimo ka sebakabotse go ba morago, bosegong bjo, ka Arkansas, go ba mo le lena. Gomme kafao ke nagana re na le mašego a mararo gabjale a ſetšego ka khonferenseng, le go ba le sebakabotse sa go tla ka gare le go hlagiša lerato la ka go Jesu Kriste, le go ba le kopanelo le lena batho le sehlopha sa rena se sekaone sa baena fa, bao, bontši bja bona ke sa ba tsebego. Ke nno lebelela go dikologa gomme ka bona yo motee yo ke mo tsebago, Ngwanešu Jack Moore, ke nno direga go, le Kgaetſedi Moore, ka direga go ba lemoga nako yeo. Gomme ka kgonthe re thabile go ba ka gare.

⁴ Bjale, ke a tseba, letſatši lohle botelele o swanetše go lapa, le a tseba, go lapa ka mmele. Ga re tsoge ra hwetša go lekanelo ka... go lapa go tumiša le go ſegofatša Modimo, bakeng sa botho bja Gagwe, O makatša bjang. Gomme, eupša, letſatši lohle botelele, gomme morago ge nako ya boſego e etla, gona ſefa ke tla ka gare. Gomme ke mohuta wa yo mongwe wa badiredi bale bao ba filwego kgopolو ya go bolela nako ye telele. Eupša ga ke nagane re tla e dira bjale, ka lebaka la pitlagano ye mo khonferenseng. Le kwele diboledi tše kgolo, ntle le pelaelo, gohle go kgabola letſatši le go kgabola khonferense. Gomme ka gona

go ema godimo mo sefaleng, gonganeng, pele ga diboledi tšohle tše kaone tše, gore, ke ikwela bonnyane gabotse, le go ema fa.

5 Yo mongwe wa badiredi ke sa tšo go šišinya diatla le yena, o mpoditše tše ke ditirelo tša lena tša mathomo go ba le tšona ka tabarenekeleng ye, ke tla e bitša; ga ke tsebe feela tlwa eng, tempele ye goba e ka ba eng e lego. Gomme ka kgonthe re—re leboga gape bakeng sa sebakabotse go tla ka kerekeng ye mpsha, se sengwe seo se agilwego go tumišo le tlhompho ya Modimo. Go makatša bjang!

6 Gomme re nno išwa morago, goba e sego go išwa morago . . . Go no tla morago go tšwa . . . bakeng sa maikhutšo a sekolo bakeng sa bana. Re dula ka Tucson, Arizona, bjale. Gomme go be go fiša gampe ntle kua, eupša re a hwetša gore go fiša gannyane nthatana mo gae go feta ka fao go bego go le ntle kua, ka lebaka la phišomonola ye kgolo. Gomme go mohuta wa go re bea fase, morago ga mohuta wa go tlwaela moya fale.

7 Re tlide ka gae gomme ra ba le tirelo ya mathomo Lamorena la go feta, gomme re bone Morena Jesu a tšwetšapele modiro wo mogolo wa Gagwe wa lerato le maatla magareng ga batho. Gomme Ebangedi ya go swana ye ke le reretšego yona mengwaga ye lesometlhano ya go feta, mo ka Arkansas, ke sa dumela selo sa go swana. Feel a le se E fetole. Ke Kriste.

8 Lamorena go bile le se sengwe se diregilego ka kerekeng. Ke nno direga go lebelela tikologong le go bona mokgomana yo momo mohlolo o dirilwego.

9 Hlokamelang, bohole re rata go ikgantšha ka—ka Morena Jesu. Re—re a rata. Ke bile le mosadi nako ye nngwe go mpotša, o rile yeo ke phošo e nnoši a kgonnego go e hwetša ka nna, ke “ikgantšha kudu ka Jesu.” Ke rile, “Ka kgonthe ke tla ya Legodimong ge seo e le mabošaedi ohle ke bilego le ona, go ikgantšha ka Jesu.” Gomme kafao o—o nno se nagane O be a le Bomodimo. O lekile go bolela gore O be a no ba motho le rafilosofi, goba moperfeta, goba se sengwe ka mokgwa woo. Eupša ke rile O be a le Modimo. Gomme kafao re . . .

Gomme o rile, “Nka go netefaletša gore O be a se Modimo.”

Gomme ke rile, “Oo, ga ke dumele o ka dira seo.”

O rile, “Oo, nka netefatša O be a no ba motho.”

10 Ke rile, “Bjale, ke tla dumela O be a le motho, eupša O be a le bobedi motho le Bomodimo.”

O rile, “A ka se be Bomodimo.”

Gomme ke rile, “Oo, O be a le Bomodimo, gomme O Bomodimo.”

11 O rile, “Oo, A ka se kgone go ba.” O rile, “Ke tla e netefatša ka Beibele ya gago mong.”

Ke rile, “Go lokile.”

¹² Gomme o rile, “Go Mokgethwa Johane tema ya 11, tseleng go theogela lebitleng la Latsaro, Beibele e rile, ‘Jesu o llile.’”

Ke rile, “Gabotse, seo se amana bjang le yona?”

¹³ O rile, “Gabotse, ge A—ge A lla, go netefatša ga A Bomodimo.”

¹⁴ Ke rile, “Mohumagadi, ngangišano ya gago e sesefetše go feta moro o dirilwego ka moriti wa kgogo yeo e hwilego ka tlala.” Ke rile, “O tseba bokaone go feta seo.” Ke rile, “O be a le—O be a le motho ge A eya lebitleng la Latsaro, a lla, yeo ke nnene. Eupša ge A otlolotše magetla a Gagwe a manyane godimo, gomme a rile, ‘Latsaro, etla pele,’ gomme monna yo a bego a hwile lebaka la matšatši a mane o eme ka maoto a gagwe le go phela gape, yoo e be e le go feta motho, yoo a kgonnego go dira seo.” Ke sa dumela Yena go ba seo.

¹⁵ Lamorena, ge re sa bolela, re . . . Ke be ke kgopela batho go retologa go dikologa ka tabarenekeleng le go šišinya diatla seng sa bona. Gomme fao go be go le mo—mo mogwera morategi, ke sa tšwa go ithuta go mo rata. O nno tla ka kerekeng, yena le mosadimogatša wa gagwe. Mosadimogatša wa gagwe ke mooki yo a ngwadišitšwego. Gomme yena ka boyena ke monna wa Moiseman. Ke Monorwegian. Ka fao seo se kilego sa direga, ga ke tsebe. Eupša—eupša, go le bjalo, bobedi ke batho ba bakaone. Gomme yo—yo ngwanešu o bile le se sengwe se sennyane sa phošo, mohuta wa ka pelong ya gagwe. Gomme monna yo mokaone kudu wa Mokriste, le monna wa bohlale, gape, o dira mošomo wa selefase bakeng sa balekoladitšhelete le go ya pele. Gomme o retologile go dikologa, gomme, ge a dirile, tlhaselo ya pelo e mo rathile, gomme o tsheletše godimo ga lebato, a hwile.

¹⁶ Gomme mosadimogatša wa gagwe, a le mooki, o mo swere ka pela, gomme o tlimaretše morethetho wa gagwe godimo ga pelo ya gagwe, “O ile.” Gomme ke lebeletše sefahlego sa gagwe, boso ka kgonthe, mahlo a gagwe a be a retologetše morago. E sego go no tswalela mahlo a gagwe, eupša mahlo a gagwe a kgoromeleditšwe ntle ka pele. Gomme o be . . . ke tlile godimo ga sefala, ka leka go dira batheeletši ba homole, batho ba bantsi ba be ba leka go thuša kgaetšedi, ka nnene, ka leemong leo, ka monnamogatša wa gagwe. Yo mongwe o beile se sengwe godimo ga hlogo ya gagwe, goba ka tlase ga hlogo ya gagwe, a ke re.

¹⁷ Ke swere pelo ya gagwe, go . . . morethetho wa gagwe mo letsogong la gagwe, gomme go se sa le morethetho go feta o lego godimo ga seripa *selā* sa legong. Gomme ka gona ke khunamile fase le go rapela, “Morena Jesu, ke a Go rapela, neela Ngwana wa borena Way bophelo bja gagwe morago.” Gomme pelo ya gagwe e rethetha makga a mane goba a mahlano, gomme ya thoma go rethetha ka setlwaedi gape. Gomme o tla morago godimo gape, gomme o be a leka go bolela. O be a sa kgone go bolela, o be a . . . Madi a ema, le a tseba, ge pelo e ema. Gomme e bile nnene nako

ye teletšana pele madi a gagwe a eya go dikologa feela gabotse. Gomme ke mo kwele a bitša leina la ka, gomme morago ke ile morago sefaleng.

¹⁸ Ngwanešu Way, ke a makala ge eba o tla no ema gore batho ba kgone go bona monna e be e le mang. Yoo ke monna yo a welego a hwile, Lamorena mosong, ka tlhaselo ya pelo. Kgaetšedi Way, mosadimogatša wa gagwe, mooki yo a bego a eme kua go tšea morethetho wa gagwe, go bona. Gomme go bona gore o... Kafao ke...

¹⁹ Seo se kwagala go tlabu kudu, mohlomongwe, go batho ba ba ka se dumelego dilo tše. Eupša ke bone Morena Jesu a tsoša bahu, makga a mantši. Gomme seo ga se se seswa go rena, kafao re ka se... Ke nagana go kaone go ikgantšha ka Jesu, eupša ke a nagana e swanetše go ba therešo tsoko, se o ikgantšhago ka sona. Kafao re Mmone, ke Mmone, ka go mengwaga ye lesometlhano ya mafelelo, ya ditaba tše ntši tša go se paleiwe, a tsošetša bahu godimo.

²⁰ Gagologolo yo motee ka Mexico, moo Ngwanešu Moore le nna re bego re eme ka Mexico City, lesea le lennyane le hwile mosong wo mongwe ka iri ya senyane, ka nyumonia, ka ofising ya ngaka. Gomme mosadi yo monnyane, re be re sa kgone go mo iša go... Gabotse, monna o be a file ntle dikarata tšohle tša thapelo, gomme re ile ra no swanelu go di bala ge ba etla godimo. Go be go se sa na dikarata tša thapelo. Gomme kgaetšedi yo monnyane yo wa Spanish, a ka ba, ke a thank, mengwaga ye masomepeditlhano ka bokgale, o be a na le le lennyane, lesea la go hwa; gomme e be e ena, gomme o bile le lona ka tlase ga lepai.

²¹ Gomme bošego pele ga bjoo, go be go bile le monna wa sefofu yoo a bego, oo, ka kgonagalo go tšofala boka tate wa ka a ka ba, go molaleng masomešupa a mengwaga ka bokgale, a foufetše, gomme o amogetše pono ya gagwe ge ke be ke mo rapelela. Gomme bošegong bjoo, ka kgonagalo bophara bjalo ka ge wo o le go kgabaganya fa, e be e no ba mekgobo ya, oo, godimodimo, dikgato tše pedi goba tše tharo, ka feela dišolo le dikefa, le diaparo tša kgale tše ba bego ba di beile godimo fale.

²² Gomme mosadi yo monnyane yo o be a leka go fihla godimo kua. Gomme Billy Paul, morwa wa ka, o tlide gomme o rile, "Papa, ke ne gabotse e ka ba makgolo a mararo a diašara fale, gomme bohole makgolotharo ga ba kgone go swara mosadi yola yo monnyane." O be a na le lesea la go hwa ka tlase ga le lennyane, lepai le bolou.

Ke rile, "Gabotse," ke rile go Ngwanešu Jack Moore, "eya tlase."

²³ Ngwanešu Jack Moore le nna re na le dilo tše ntši tša go swana. Ga ke nyake go re re bonala go swana, ka gore ke monna yo mobotse kudu. Eupša selo se tee ka ga Ngwanešu Moore, bobedi re ahloganya moriri wa rena ka tsela ya go swana. Re na

le dilo tše ntši tša go swana. Ka gopola, “Ga se a ke a ntseba,” ba swanelwa ke go ntheoša go dithapo tsoko le dilo, go tsena ka gare. Kafao ke mo rometše tlase go rapelela lesea le lennyane. Ka gopola, “Gabotse, ba ka se ke, a ka se tsoge a tseba phapano.”

²⁴ Gomme kafao ke ile ka thoma go bolela gape, ge... Ngwanešu Espinoza, ba bantši ba lena baena le a mo tseba, go tšwa Lebopong la Bodikela, o be a dira go hlatholla. Ye e be e le ntle kua ka ntikodikong ya poo ka Mexico City. Gomme ke lebeletše ntle godimo ga batheeletši gomme ka bona pono ya lesea le lennyane la Momexico le dutše, le myemyela go nna. Kafao ke rile, “Tliša mohumagadi yo monnyane mo.” Kafao go beilwe diatla godimo ga le lennyane, la go hwa, la go thatafala, sebopego sa go tonya. Maoto a gagwe a thoma go ragaraga, gomme a thoma go goelela, gomme—gomme o be a le fao, a phela.

²⁵ Gomme ke rometše semamathane, Espinoza o dirile, go lekola le ngaka, go hwetša setatamente pele re ka se ngwala. Ngaka o ngwadile afidabiti, gore lesea lela le hwile mosong wola ka ofising ya gagwe, e ka ba iri ya senyane, gomme ye e be e ka ba masometharo a lesome bošegong bjoo. Gomme lesea le a phela lehono, le ipshina ka go phelega mo gobotse, go tlhompho le letago la Modimo.

²⁶ Kafao go boneng dilo tše dintši di direga, re be re ka se swanele go bolela ka ga Ngwanešu wa rena Way fale, eupša therešo ke therešo. Gomme Modimo ga a dire dilo tše go no... O e nyaka e tsebje, le batho go tseba gore O a ba rata. Gomme ka mogau wa Modimo, Ngwanešu Way o dula magareng ga rena bošegong bjo, a phela. Re leboga seo kudu.

²⁷ Ke naganne, go beng ka lebaleng la kampa, go tleng ka gare, feela ga ke nyake go tsenatsena nako ye kgolo. Billy o be a mpotša, morago ga sekgalela se, o rile, “O bolela ka Pentecost ya fešene ya kgaleya kgonthe,” o rile, “wena leta go fihla o fihla godimo kua!” O rile, “Ba opela boka ba bile le boitemogelo lebaka la mengwaga ye masometlhano.”

Ke rile, “Ke a thanka ba bangwe ba bona ba dirile, ya, lebaka la mengwaga ye masometlhano.”

²⁸ Gomme ke no rata go tsena ka kopanong boka yeo, ke a dumela yo mongwe le yo mongwe wa rena o a dira, moo re no tsenago thwi ka go yona.

²⁹ Go swana le ge ke be ke fela ke bolela kanegelo ye nnyane ka go thea dihlapi. Godimo ka leboa la New Hampshire, ke be ke thea trout. Gomme tsela godimo ka hlogong ya thaba, ke be ke na le tente ye nnyane e dutše godimo kua, oo, tente yela ye nnyane, tente ye nnyane ya mparabatlana go tšwa mmušong. Gomme ke hweditše lefelo moo go bego go le hlapi ye ntši, e be e le morago ka tlase ga sethogwa. Gomme go be—go be go na le moduwane wa kgamekgolo fale, gomme nako ye nngwe le ye nngwe ke leka go kolobiša lehlaka la ka, gobaneng, le

tla kgagwa ke moduwane. Kafao mosong ola, ke tsogile, ke ile godimo kua, ka leselaphutiana, gomme ke naganne, ke tla rema yona meduwane. Ke tla no... Ge nka bolaya hlapi, gona ke tla e ja, go sego bjalo ke tla e lokolla. Kafao ke bile le beke yohle, tšohle nka go di hlokomela, gomme ke be ke le godimo fale ke nnoši.

³⁰ Gomme ge ke be ke sa ile mosong woo, tseleng ya ka go boweng, bera ya tshadi ya kgale le diberana tše pedi di be di tsene ka tenteng ya ka. Gomme le bolela ka dilo tša go hlakahlakanya, ka kgonthe di e hlakahlakantšitše gabotse. Gomme di be di kgeitše se sengwe le se sengwe. Gomme ke—ke naganne... Ge ke etla morago, ke kwele lešata, gomme ke lebeletše go dikologa dithokgwa tše dingwe tše nnyane ke bego ke etla tikologong. Gomme mme bera wa kgale le bohle ba bona ba be ba no ba le nako, ba gerema go kgabola se sengwe le se sengwe.

³¹ Gomme o mpone, gomme a kitima go tloga gomme a goeletša diberana tša gagwe. Ye nngwe ya diberana tše e tlile, gomme ye nngwe ga se ya tla. Moisa yo monnyane wa nthatana, a tshela, o be a no ba godimo bjalo. O be a dutše ka mokgwa wo. Gomme ke naganne, “Gabotse, ke eng moisa yo monnyane o na go kgahlego bjalo ka go yona?”

³² Gomme ke ile go dikologa le go lebeleta. Ke rile go yena, “Etšwa ka fao! Etšwa ka fao!” Gomme o nno dula fale. Ke naganne... Gomme ke šeditše mme wa kgale, gobane, le a tseba, go tlankela diberana tša gagwe, o be a tla go ngapa, le a tseba. Kafao ke—ke—ke šeditše; go be go le mohlare kgauswi gabotse, le a tseba. Ke be ke na le sethunya sa kgale sa go rusa se robetše godimo kua ka tenteng, go molaleng gore se be se robegile nako yeo. Gomme, go le bjalo, ke be nka se nyake go thunya mme wa kgale le go tlogela ditšhiololo tše pedi ka sethokgweng. Kafao ke ile pele ke šeditše mohlare wo, ke rarela go bona ke eng moisa yo monyane a bego a kgahlegile kudu.

³³ Gomme, le a tseba, ke—ke—ke rata dipanekuku. Rena, bohle re Baborwa, a ga re bona? Diphaphatha ke seo di lego tlase fa, le a tseba. Kafao, gomme ka kgonthe ke a di rata, gomme ke—gomme ke—ke a tseba... Ga go na Methodist ye ntši ka nna; ka kgonthe ke rata go tshela godimo ga kgotlaomone. Ka kgonthe ke di kolobetša gabotse, ka e tshela gohle godimo ga tšona. Kafao ga ke rate feela gofafatša go gonnyane nthatana boka le tsena ka mafelong a fa, selo se sennyane. Ke rata go fihla mo ka kgonthe o e tšhollelago go yona, le a tseba, gomme wa di hlakanya gabotse le bokoto.

³⁴ Ke be ke ne pakete ya seripa sa kalone e tletše ka—ka mabele a kgale. Bera ye nnyane ye e be e tlošitše setswalelo, gomme ka kgonthe o be a ipshina ka kgotlaomone ya ka. Ke fetše ke mo lebeletše go dikologa sekhetlo. O be a tla tše lenotlo la gagwe gomme a le kgotla fase ka paketeng ye, le a tseba. Gomme o be a

sa tsebe a ntšhe kgotlaomone bjang, kafao o nno kgotla fase ka lenotlo la gagwe ka go kgotlaomone ya ka, gomme morago a e gonye le go e latswa ge e etla fase.

³⁵ Ke a le botša, ge mafelelong ke fihlile tikologong gomme ka hwetša šedi ya gagwe, o ntebeletše. Ga se a ke a kgona go mpona, o be a le kgotlaomone go tloga bogodimo bja hlogo ya gagwe, tsela yohle go theoga. Mpa ya gagwe ye nnyane e nno tlala ka kgotlaomone. Gomme mahlo a gagwe, ebile ga se a kgone go bula mahlo a gagwe go ntebelela, le a tseba, a leka.

³⁶ Ke naganne, “Yeo ke nnete. Ga go na tsholo go bona bao ba jago.” Go bea ka monaganong wa kopano ye botse ya kgale ya Pentecostal, ge re hwetša matsogo a rena tlase ka go pakete yela ya todi, e ka ba botebo *bjoo*, le a tseba, bja Todi yela ya Pentecostal.

³⁷ Le a tseba, selo sa go tlaba ka yona, morago ga ge a bile le dimpa tša gagwe di tletše, gomme pakete ya ka e notilwe, o ile godimo go mmagwe le ngwanabó yo monnyane, gomme mama a mo latswa.

³⁸ Kafao, le a tseba, ke a holofela re ba le bontši kudu go rena mo, gore, ge re eya gae, bao ba sego ba tla ba tla latswa go tloga go rena, bjo bonnyane bja boitemogelo bja rena, ra ba botše ka ga dilo tše kgolo Morena a di dirilego tlase fa ka Hot Springs. Morena a le šegofatše.

³⁹ Gomme bjale, ke a dumela, ba mpoditše gore ga se ba e hwetša ka nako, goba selo se sengwe gape, go bega go fa ntle dikarata tša thapelo, go rapelela balwetši; dinomoro tse dingwe ka dikarata, re a di bitša le go ba rapelela. Gomme bjale ka mokgwa woo, kafao go mphile bošego bjo bongwe mohuta wa go itlwaeltsa. Gomme kafao gosasa bošego ke nagana ba ya go fa ntle dikarata tša bona tša thapelo, nako ye nngwe ka morago ga sekgalela. A ke yona? Ya, le šetše . . . Iri ya boselela? Iri ya boselela gosasa mantšiboa.

⁴⁰ Bjale ke naganne, bošegong bjo, re tla tšeа feela karolo ye nnyane ya Lengwalo fa le go E bala, le go bona ge eba re ka hwetša se Morena a tla swanelago go re botša. Gomme bjale feela pele re bula Puku, a re boleleng le Mongwadi wa Puku, ge re inamiša dihlogo tša rena.

⁴¹ Pele re rapela, le dihlogo tša lena di inamišitšwe; le matshwenyego ohle bjale, le leamaema la letšatši, le tshegišo ye nnyane re bilego nayo, a re nong go e kgoromeletše ka thoko bjale, gobane re batamela Kgoši. A go na le dikgopelo tše di itšego tša go ikgetha, o ratago go gopolwa, feela a o ka phagamiša seatla sa gago, gomme wa re, “Morena!” Thwi tlase ka pelong ya gago, e no swara kgopelo ya gago.

⁴² Tate wa rena wa Magodimong, re tšeа wo go ba monyetla, Modimo Ramaatlakamoka, go tla ka phuthegong ya Morena, go kopanela mmogo, go paka, go bolela ka dilo tše kgolo tšeо O di

dirilego, le mafelo ao re biledgo. Gomme e no nkgopotša ka go Ditiro 4, ka Beibeleng, ge ba bowa gomme ba be ba bolela ka se Morena a se dirilego. Gomme bohle ba rapetše, gomme lefelo le šikinyegile, moo ba bego ba kgobokane mmogo.

⁴³ Modimo, ga re fišegele kudu, bošegong bjo, go bona moago o šikinya; eupša re rata gore O re šikinye, Morena. Šikinya kwešišo ya rena. Šikinya go beng ga rena, maikutlo a rena, dipelo tša rena tša kwešišo, gore re ke re tloga fa bošegong bjo, re ikemišeditše kudu go feta re kile go hlankela Wena, gore re ke re kwe Bogona bjo boswa bja Pentecost ye nanana, ya Moya wo Mokgethwa o tšhologela ntle godimo ga rena, ka bonanana le ka boswa go swana le tlase ka dithokgweng tše le dithaba ka Arkansas, mengwaga ye masometlhano ya go feta, ge botatemogolo ba etla go kgabola mo ka dipere le dikarikana, ba rera Ebangedi ye. Morategi Morena, a nke rena, barwadi ba Morero wo mogolo wo wa maswanedi woo O o rometšego go kgabola fa, a nke re se ke ra lewa ke dihlong ka selo se segolo se; eupša a nke re sepele ka dikgatong tša maoto a bao ba ilego pele ga rena, Morena, ba rwele sefoka sa Morena Jesu.

⁴⁴ A nke ba bangwe, bao ba sego ba be ba amogela polane ye kgolo ye ya phološo yeo Modimo a re beetšego fase ka Lengwalong, e boleletšwegopele tsela yohle go theoga Testamente ya Kgale, gomme lehono re ipshina ka yona, a nke go be le tšikinyo ye kgolo magareng ga rena, Morena, le mpshafatšo ya tumelo le—le mpshafatšo ya maitapišo.

⁴⁵ Ke a Go leboga bakeng sa khonferense ye, bakeng sa sehlopha se sa batho ba ba sa swareletšego, Morena. Ka go iri ye ya moleko woo o tlogo godimo ga lefase, go leka bale ba ba ipolelago go ba Bakriste, a nke re hwetšwe, mo bofelong, re le maswanedi go tsena ka mathabong a Morena, ao a lokišeditšwego Balopollwa, go tloga motheong wa lefase. Šegofatša Lentšu la Gago.

⁴⁶ Morena, gopola seatla se sengwe le se sengwe seo se ilego godimo. O tseba maikemišetšo, O tseba maikaelelo, O tseba kgopelo ka morago ga seatla sela. Ke a rapela, Modimo, gore O tla e fa go yo mongwe le yo mongwe. A nke monna yo mongwe le yo mongwe yoo... goba mosadi, mošemane goba mosetsana, yoo a beilego seatla godimo, yoo a nyakilego phološo ye ntši, goba mosepelo wa kgauswana, goba go Go tseba bjalo ka Mopholosi wa bona, a nke ba se tsoge ba tlogela lebala le go fihla kgopelo yela e arabilwe.

⁴⁷ Go bao ba babjago le go hloka, re a rapela, Modimo, go tla ba lephoto le le bjalo la phodišo go kgabaganya lefelo le, gore go se be le motho wa sekokana yo a tlogo mobung wo a ka tlogago ka tsela yeo ba tlilego godimo. Wena yo a kgonago go tsoša monna go tšwa bahung, le go mo neela fa pele ga rena, go laetša gore O Modimo wa go swana yo a emego kua kgauswi le lebitla la

Latsaro, o mmiditše go tšwa magareng ga mohu. Tate, a nke ba tsebe gore O a swana maabane, lehono, le go ya go ile. Mo go eme yo motee magareng ga rena bošegong bjo, feela matšatši a se makae a go feta, o bileditšwe morago go tšwa nageng ka mošola wa moriti tsebo ya motho mo bophelong bjo. Re Go leboga bjang bakeng sa se!

⁴⁸ Re šegofatše mmogo bjale ge re ithuta Lentšu la Gago, ka gore ka therešo Lentšu la Gago ke Therešo. Wena le Lentšu la Gago le batee. Ba ka se aroganywe. Kafao re kgopela ditšhegofatšo tša Gago godimo ga rena, Tate, ge re letetše go Wena go bolela le rena bošegong bjo, ka Jesu Kriste Morena wa rena. Amene.

Bjale, ge le ka rata, ke tla rata go phetla go Mangwalo, le go ya pele.

⁴⁹ Ke bile mohuta wa go lala fase malaong gomme ka ya le boroko; selo sa pele le a tseba, Billy o tlide godimo gomme o rile, “A re ye.”

Ke rile, “O ra gore ke nako ya kereke?” Ke ile ka swanela go gogela ntle sehlopha se sennyane sa Mangwalo ke bego ke se ſomiša pele, go—go bolela godimo bošegong bjo.

⁵⁰ Gomme ke naganne mohlomongwe go tla fiwa dikarata tsoko le go rapelela balwetši, le go ya pele. Ke lemogile ge e sa le ke etla ka fa, batho ba babedi ba robetše go mepetiana, mohlomongwe ba tla go rapelelwa bošegong bjo.

⁵¹ Bjale, gomme—gomme Billy o tla morago, a re, “Ke nno se tsene ka nako, papa.” A bolela ka yona. O rile, “Re tla—re tla e leka gosasa bošego.”

⁵² Ke rile, “Go lokile, o hwetša baena, e hwetšeng, efang ntle dikarata tsoko.”

⁵³ Kafao bjale ke nyaka le phetle le nna, go pu—pu Puku ya Dikgoši tša Bobedi, gomme tema ya 1. Gomme ka gona gape ke nyaka le phetle ka kua go Jeremia, tema ya 8 gomme temana ya 22. A re baleng feela karolo ya Lengwalo le.

*Ka gona Moaba a tsoga maatla kgahlanong le Israele
morago ga lehu la Ahaba.*

*Gomme Ahasia o wetše fase ka lefastere la phaphoši ya
gagwe ya godimo yeo e bego e le ka Samaria, gomme a
babja: gomme o rometše batseta, gomme o rile go bona,
Eyang, botšišang Baali-sebubu modimo wa Ekironi ge
eba ke tla fola bolwetšing bjo.*

*Eupša morongwa wa MORENA o rile go Eliya Mothisibe,
Tsoga, gomme o rotogele godimo le go gahlanetša
batseta ba kgoši ya Samaria, gomme o re go bona, A ga
se ka gobane ga go na Modimo ka go Israele, gore le ya
go botšiša Baali-sebubu modimo wa Ekironi?*

Bjale kafao o rialo MORENA Modimo, O ka se sa fologa go tloga go mpete wo o ilego godimo go wona, eupša ka kgontho o tla hwa. Gomme Eliya o tlogile.

⁵⁴ Gomme ka gona ka go Puku ya Jeremia, tema ya 8 gomme temana ya 22.

A ga go moreku ka Gileada; a ga go matwetwe fao? gobaneng gona go . . . go phelega ga morwedi wa batho ba ka go sa welwe ke maruru?

⁵⁵ Ke nyaka go bolela, ge re ka e bitša, ka thuto: *Gobaneng?* Ke—ke potšišo, gomme Modimo o botšiša potšišo ye.

⁵⁶ Gomme Modimo ke wa ka Gosafelego. Re a tseba gore O gona. O kagosafelego. Ga se nke A be le mathomo, goba A ka se tsoge a ba le bofelo. Bokagosafelego ga se nke bja thoma, ga bo tsoge bja fela, gobane ke bja Gosafelego.

⁵⁷ Gomme Modimo a ka se kgone go fetola monagano wa Gagwe goba tsela ya Gagwe. Ke ka baka leo rena, bjalo ka batho ba ba sa amogelego dithutotumelo, ge e le kgahlanong le Lentšu, ka gore re dumela gore Modimo le Lentšu la Gagwe ba a swana. Re dumela gore Beibele e bolela ka go Mokgethwa Johane, tema ya 1, gore, “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena.” Kagona ge Modimo a bolela e ka ba eng, A ka se kgone, gosasa goba nako efe ye nngwe, go tsoge a e gomiša; ge Modimo a kile a biletšwa lefelongtiragalo, go dira sephetho. Gomme sephetho se tee sa Gagwe ke sa Gosafelego. Se ka se tsoge sa fetoga.

⁵⁸ Gomme Modimo o bileditšwe go dira sephetho bakeng sa moloko wa motho, ka serapeng sa Edene, ge sebe sa mathomo se dirilwe. A A ka tsoge a kgona go lopolla ngwana wa Gagwe yo a lahlegilego morago ka kopanelong le Yena gape? Gomme O lokišitše lenaneo le tee. Ga se la tsoge la fetoga, ka tsela ya madi. Gomme latelang Mangwalo, ga se nke la fetošwa goba go fetoga, gomme le ka se tsoge la kgona, gobane ke sephetho sa Modimo, ka Madi. Le ge, re lekile go le fetoša. Re lekile go le ruta. Re lekile go le dira kerekelaina. Re lekile go dira se sengwe le se sengwe se lego ka molaong wa motho, go leka go fetola Leo, boka Adama a dirile ka mahlare a mogo le go ya pele. Eupša le bjale ka mehla le sa dutše, Madi ke lefelo le nnoši la kopanelo.

⁵⁹ Kagona, mmogo bošegong bjo, re ka ema, e segó bjalo ka kerekelaina e tee, mohlomongwe bontši bja rena mmogo. Eupša re ka se kgone go ema mo go emela kerekelaina ye tee, re swanetše go ema fa ka go kopanelo ye ka tlase ga Madi a Jesu Kriste. Bohle re ka ba baena, dikgaetšedi. Modimo o direla motho tsela, gomme morago motho o gana go sepela ka tseleng yeo, gona Modimo o na le tokelo ya go botšiša, “Gobaneng o se wa e dira?” Gomme seo ke se A se dirilego nako yela, gomme seo ke se A se dirago

bjale, gomme ke ka lebaka leo A tlogo, se A tla se botšišago mo Kahlolong. Ba botšišitše, “Gobaneng?”

⁶⁰ Bjale, palo ya rena ya Lengwalo e thomile, feela ka pela morago ga lehu la Ahaba, kgoši ye mpe, modumedi wa mollwaneng, monna yo a tsebilego se se bego se lokile go se dira, gomme golebjalo o be a se na le sebete go gatela ntle le go dira se a bego a tseba gore se be se lokile go se dira.

⁶¹ Ke no nagana, ge eba le—ge eba lefase le le se la tšhilafatšwa lehono ka boAhaba, Bokriste bjo re phelago ka go bjona, le tšhilafaditšwe ka boAhaba, le monna yo ka kgonthe a tsebago gore go lokile go fa bophelo bja gago le go ba...go Modimo, le go tlatšwa ka Moya, le go latela dithuto tša Beibebe ye, gomme golebjalo ntle le sebete go ema le go e dira. E nkgopotša gape ka seemo se sengwe boka seo ka Sodoma.

⁶² Beibebe e rile, “Dibe tša Sodoma, di tlaišitše soulo ya go loka ya Loto, letšatši ka letšatši.” Gomme ka fao soulo ya monna e bego e lokile, gomme o lebeletše ntle godimo ga dibe tša naga, gomme o tsebile gore seo se be se fošagetše, gore ba be ba dira phošo, gomme efela a se na sebete go emela phenyego ya gagwe.

⁶³ Ga go makatše lefase ka moka le bile Sodoma le Gomora, le ka fao gore boLoto lehono, go kgabaganya setšhaba le go dikologa lefase, ba eme ka dikerekeng, yo a kgodišegilego gore Jesu Kriste o a swana maabane, lehono, le go ya go ile, le gore maatla a Gagwe a no ba kgonthe lehono bjalo ka ge go kile gwa ba, ntle le sebete go ema philuphithing le go ahlola sebe, ka baka la tšitišo ye nngwe yeo e tla ba rakago go tloga kopanelong yeo ba bego ba tšoenne ka go yona. Go sa tla morago go Madi a Jesu Kriste, kalafi e nnoši.

“Gobaneng? Gobaneng?”

⁶⁴ Ahasia o be—o be a le morwa wa Ahaba, o godišeditšwe ka go mohuta wa legae leo—leo le bego le le le—le legae le bolelo. Le be le se ka moka Mokriste. Mmagwe e be e le mohetene. Gomme tatagwe o be a nyetše ka ntle ga kopanelo, o nyetše mosadi yo e bego e se modumedi.

⁶⁵ Gomme seo ka mehla se dira legae le lebe go segotlane sefe kapa sefe go godišetšwa ka go lona, gore ge go sedumele le tumelo di leka go hlakana mmogo.

⁶⁶ Gomme, bjale, ge tate a ka be a bile monna yo maatla ka kgonthe tumelong ya gagwe, ngwana a ka no ba a bile le sebakabotse se sekaone, eupša ga—ga se a ke. O be a se na. O tsebile gore go be go le Modimo. O tsebile gore go be go le Jehofa. Gomme ka gona o... medimo ya mmagwe, le go ya pele. O be a gakanegile gohle. Ka gona morago ga lehu la tatagwe, mošemane yo ka leemong le, mohuta wa go hlakahlakana, ka tsela e tee le ye nngwe.

⁶⁷ Gomme ge seo e se seswantšho sa dinaga lehono! Yo motee ka lapeng o ka tsela *ye*, gomme yo motee go ye nngwe, gomme yo motee o ya ka tsela *ye* gomme yo motee o ya ka tsela *yela*. Ga go makatše re tšweletša bontši kudu bja go seleka ga baswa, le mehuta yohle ya dilo, ka tlase ga leina la Bokriste. Ke ka gobane ga go ne botee. Ga go na pitšontle ya kgonthe, le go emela Modimo.

⁶⁸ Bjale re hwetša gore, moisa yo o ba mojabohwa go terone ya tatagwe. Letšatši le lengwe, godimo ka ntlhoreng ya bophagamong bja gagwe felotsoko, a sepela go dikologa, o-o wele go kgabola le—le lefastere. A ka no be a be a tagilwe go fetiša gomme a wa ka lefastere, fase ka kgonagalo botlase bja lebato, o bethile panka goba se sengwe, gomme a roba dikgopo di se kae goba go mo gobatša. Gomme bolwetši bo swanetše go be bo thomile tshwaetšo felotsoko, goba kgobalo, gomme ya mo dira gore a be le letadi. Gomme o be a babja gabotse.

⁶⁹ Nnete, matšatšing ao, ba be ba se na le meriana ye ba nago nayo bjale. Mohlomongwe dingaka di tlie le go dira se ba bego ba ka se kgona bakeng sa moisa, eupša ba be ba se na le go lekanelia. Ka gona o tsebile selo sa gagwe se nnoši a bego a ka kgonago go se dira e be e tla ba go ya maatleng a godingwana go feta se dingaka di kago go se tšweletša ka mareong a bona a tša kalafo. Gomme o naganne o tla ya nako yeo; gomme o rometše go mmagwe.

⁷⁰ A thuto ye e swanetšego go ba yona go bomme! Segotlane ka mehla se tla theetša mmago sona.

⁷¹ Gomme o ile go wa gagwe, o rometše go modimo wa mmagwe, Baali-sebubu, godimo ka Ekironi, moo sehlwaseeme sa gagwe se bego se le, segopotšo sa gagwe. Gomme o rile, “Eyang le botšiše baprista godimo kua, gomme a nke ba botšiše sehlwaseeme sa bona sa Baali-sebubu, ge eba ke tla welwa ke maruru go bolwetši bjo bjoo ke nago le bjona, goba aowa.”

⁷² Eupša le a tseba, monna yola, ka kgonthe, a le ka eleletša? Batho ba ba bego ba swanetše go ba batho ba go boifa modimo, ba tla dumelela monna yo bjalo go buša godimo ga bona, ke ka lebaka la seemo sa bolelo. E be e le seemo seo kereke e tsenego ka go sona, seo se beilego motho yo bjalo mo maatleng, goba go e dumelela. Ga ke nagane dinako di fetogile kudu; di sa bonala go ba bontši ka moka tsela ya go swana. Gomme ba dumelela monna yo go buša, a be le polelo bjalo godimo ga naga, yoo a tla botšišago sehlwaseeme tsoko sa kgopoloye itšego ya bohetene ka ga seemo sa gagwe.

⁷³ Gomme ka gona, le a tseba, eupša morago ga tšohle tša yona, ga go kgathale ke bontši gakaakang go bonalago gore Modimo o retolletše sefahlego sa Gagwe go tloga go batho, O dira seo nako ye nngwe go bona ke mohuta ofe wa mokgwatebelelo le o tšeago. Morwa yo mongwe le yo mongwe yoo a tloga go Modimo o swanetše go lekwa le go kgalwa.

⁷⁴ Gomme gona go ne lefelo le lennyane ka go monna, goba mosadi, ge ba tswetšwe ke Moya wa Modimo, leo ke la Gosafelego.

⁷⁵ Gomme o tla tsena ka lefelong nako ye nngwe moo yo mongwe le yo mongwe... Se sengwe le se sengwe e lego motho ka ga wena, go fa mabaka, diabolo a ka kgona go e fa mabaka go tloga go wena. Eupša ge yohle e thubega, gona, ge Bophelo bjo Bosafelego bjola bo se fao, o tla wa le wena, gobane o ka kgona go bea mabaka wenamong kgole go tloga go Modimo.

⁷⁶ Eupša monna yo a teleimago go ba Mokriste, ga a na le tokelo ka phuluphithing, goba ga a na le tokelo ka ofising, moetapele kae kapa kae, go fihla pele a nametše wona magato go ya ka lefelong moo a tswetšwego ke Moya wa Modimo, a tladitšwego ka Moya wo Mokgethwa, ka tsela ye e lego gore ga go yo a ka kgonago go e hlatholla go tloga go yena.

⁷⁷ Modimo, ge A rometše Moshe tlase go ya Egepeta, go lokolla batho, sa pele O mo išitše ka morago ga leganata, gomme o ntšitše thutamodimo yohle a bilego le yona ka go yena, mo mengwageng ye masomenne, gomme morago o bonagetše go yena. O tsebile bontši ka ga Modimo, mo metsotsong ye mehlano, ka go Bogona bja sethokgwa sela se tukago, go feta a tsebile mo mengwageng ye masomenne ya thuto ye a e hweditšego.

⁷⁸ Seo ke se kereke e se hlokago bošegong bjo, ke boitemogelo bjo bongwe bja sethokgwa sa go tuka, moo batho ba maleme a boreledi... Moo, Lengwalo le bolelagore, “Meoya ye mebedi ka matšatšing a mafelelo e tla batamelana kudu, e tla fora le bona bakgethiwa ge go kgonega.”

⁷⁹ Monna o swanetše go tla lebaleng le lekgethwa lela le Modimo; moo baithutamodimo bohole, dingaka tšohle tša bokgethwa, go fa mabaka gohole, bohole bahlokamodimo, ga sego selo gape se ka tsogego sa kgona go hlatholla seo go tloga go yena. O be a le fao ge Modimo a etla, gomme o tseba se se diregilego. O ka se kgone go e fa mabaka go tšwa go yena; o be a le fao ge e direga. Woo ke mohuta wa motho re mo hlokago lehono ka go mmušo, ka kerekeng, le e ka ba kae gape, ka dinakong boka tše. Bakeng sa boetapele, re hloka monna yo a tladitšwego ka Moya wo Mokgethwa.

⁸⁰ Seo ke se kereke e se hlokago lehono; e sego moithutamodimo, eupša wa go tlala ka Moya, monna wa go tswalwa gape, a tletšego ka Moya wo Mokgethwa. Ke a le botša, ge re ka be re na le bontši bja bao, kereke e be e tla lebega go fapano gannyane go feta ka mo e dirago ka nako ya bjale. Dilo dí be di tla fapano ge re ka be re nno ba le monna yo montši a tladitšwego ka Moya wa Modimo, e sego go ya ka morago ga metlwae ya bagolo, le go ya pele.

⁸¹ Bjale re hwetša gore moisa yo o rometše godimo kua go hwetša tshedimošo ye go tšwa—go tšwa go—go tšwa go modimo wa Ekironi, Baali-seebubu.

⁸² Eupša, nako yohle, Modimo o tsebile o be a e dira. Kafao O bile le moprofeta tlase fale, ka leina la Eliya, kafao O boletše le Eliya gomme o rile, “Eya godimo kua tseleng ye e itšego, gomme o eme ka tsela yeo. Batseta ba tla godimo.” Le a bona, o ka se kgone go uta selo go tšwa go Modimo, le a bona, ga go kgathale se o se dirago. Bjale, moisa yola o tsebile gannyane bjang gore Modimo o be a bolela le Eliya tlasetlase fale ka lešokeng felotsoko, ka lerageng le lennyane felotsoko, gomme o kgonne go mmotša go “Sepela, ema mo khoneng ya tsela godimo fale, gomme o bolele le baisa ba, gomme o ba botše go ‘Boelang morago tlase go yena, gomme le mmotše, “O RIALO MORENA, ga a tšwe malaong ale.””

⁸³ Gomme O rile, “Mmotšišeng, ‘Gobaneng o e dirile? Ke eng e go dirago go e dira? A ke ka gobane ga go Modimo ka go Israele? A ke ka gobane ga A ne moprofeta? A ke ka lebaka leo o e dirilego? Gobaneng, o tseba se se diregilego. O tseba Lengwalo. O na le ona ka paleising ya gago mong. Baprista ba gona kua. Ga go pelaelo o a badile ge e sa le o le mošeman. Gomme gobaneng o dirile selo sa bošilo bjalo ka seo?””

⁸⁴ Ke a makala, bosegong bjo, ge eba Kriste o tla tla lefelongtiragalo, goba godimo ga setšhaba lehono, ka go gogela setšhaba se kahlolong, ge eba potšišo yela ya go swana e be e ka se botšišwe. Gobaneng e le, a ke yona? Gobaneng re dira dilo tše? Gobaneng re ngangana ka mmušong, ge eba re swanetše go bala Beibele phatlalatša, gomme, gobaneng, ge re bala ditsiebadimo tšohle tše? A borakgolokhukhu ba rena ga se ba bea molatheon wo ka lenaneo? A setšhaba se ga sa tswalwa godimo ga dikokwane tša Beibele? A ga re mo bakeng sa tokologo ya bodumedi, go dira ka go Modimo ka tsela ye re ikwelago go swanela go dira, tsela ye re kgodišegilego ke Therešo?

⁸⁵ Eupša, le a bona, re dirile se sengwe boka ba dirile nako yela. Re no ba re tlogela se sengwe le se sengwe, dipolitiki, go re metša, sebakeng sa go hlompha Tumelo ya rena go Modimo wa rena, le motho yo a emetšege Therešo. Gomme re tlogela dipolitiki tša rena di kitima godimo ga seo, le go bouta ka go dilo tše bjalo tše di tšhilafatšago setšhaba se, gomme ge re sa tla kahlolong. Modimo o tla tsoga lefelongtiragalo, letšatši le lengwe, ka moprofeta yo maatla, a bolela ka molokong wo gomme—gomme a botša batho, gomme ba tla bona gore ke Modimo a bolelago, eupša ba ka se sokologe. Go tla no swana le ge go bile nako yela.

⁸⁶ O rile, “A ga go Modimo ka go Israele? A ke ka gobane ga go Modimo?” Go swana le ge Jeremia a rile, “A ga go moreku ka Gileada? A ga go matwetwe kua?” Ka gona, ga se ba kgona

go araba yeo. Nnete, o be a le gona. Gabotse, O rile, "Gona, gobaneng, gobaneng o e dirile? Gobaneng morwedi wa batho ba ka a sa folet?"

⁸⁷ Bjale re makala seo, bošegong bjo. Gobaneng? A ga go na Beibele? A ga go ne Modimo? A ga go phapano? Ge Modimo a eya go tlisa batho Kahlolong, O swanetše go ba le se sengwe go ba ahlola ka sona. Go swanetše go ba le seelo tsoko.

⁸⁸ Ge eba A eya go ba ahlola ka kereke ya Katoliki; gona ge ba ba ahlola ka kereke ya Roma, kereke ya Segerike e lahlegile, dikereke tše dingwe tsa Katoliki di lahlegile. Ge A le ahlotše ka Segerike, Moroma o lahlegile. Ge A le ahlotše ka Lutheran, Methodist e lahlegile. Ge A le ahlotše ka Methodist, Lutheran e lahlegile. A ka se kgone go le ahlola ka kereke; go ne mekgatlo ye mentši kudu ya yona.

⁸⁹ Eupša Modimo o tla ahlola lefase, O rile, ka Jesu Kriste. Gomme Jesu Kriste ke Lentšu, gomme Lentšu ke Modimo. Gomme O tla ba ahlola ka Beibele ye, gobane le ke Lentšu. Seo ke selekane sa Modimo. Re swanetše go lekanyetše godimo go se Beibele e se bolelago.

⁹⁰ Gomme re makala gore ke ka baka la eng re na le tlhakahlakano ye ntši kudu, mekgatlo ye mentši kudu, diphapano tše dintši kudu, go aroganya boena, le—le se sengwe le se sengwe. Ke ka gobane ga go na Moreku ka Gileada? A ke ka gobane ga go na matwetwe kua? Ke a makala ge eba Modimo o tla re botšiša potšišo yeo?

⁹¹ Bjale, e be e se—e be e se tlwa ba be ba se ne Matwetwe. Ba dirile. Modimo o be a le Matwetwe. Gomme e be e se ka gobane go be go se Modimo ka go Israele. Go be go le Modimo. Gomme ba bile le moprofeta go botšiša, go hwetše se dilo tše di lego. Eupša e be e le thato ya bonganga ya kgoši ka boyena. Yeo ke tlwa.

⁹² Gomme seo ke se e lego taba ka setšhabeng lehono. Ke thato ya bonganga bja batho ka bobona. E sego ka gobane ga re ne Modimo wa go swana yoo a tshetšeego Lewatle le Lehubedu, le batho ba Gagwe, yo a ba fepilego mengwaga ye masomenne ka lešokeng. Ga se ka gobane ga re ne Modimo wa go swana yoo re bilego le yena mo mathomong. Ke tsela ya bonganga bja batho ka bobona. Ga ba nyake go inama. Ga ba nyake go—go ba le e ka ba eng go dira le bokgethwa le bohlweki bja go phela tsela ya Beibele ya go phela. Bokaone e be ba kereke gomme ba bee leina la bona godimo ga puku, le go phela boka lefase ka moka, go feta go khunamela fase go ditshepišo le Melao ya Ramaatlakamoka Modimo. Seo ke se e lego taba lehono. Leo ke lebaka dilo di yago ka tsela ye di lego, batho ba tloga go Lentšu. O ka se tsoge wa kgona go otlollwa go fihla re eya morago tseleng ya maleba.

⁹³ Ba agile moago wo, ba bea sekhetlo sela tlase *fa felotsoko*, o ka se tsoge wa hwetše moago o agilwe. O swanetše go

bewa godimo ga motheo. Gomme motheo ke Beibele, thuto ya baapostola le baprofeta, le go ya pele, wa Beibele.

⁹⁴ Tsela ya bonganga ya kgoši ka boyena. O be a no se nyake go—go romela tlase kua. Go be go sa tuma kudu.

⁹⁵ Tsela ya therešo ya Modimo ya go phela ga se nke ya tsoge ya tuma. E ka se tsoge ya tuma. “Ka gore theroy Ebangedi ke bošilo go bona ba ba senyegago.” Paulo o rile, “Ga ke lewe ke hlong ka Ebangedi ya Jesu Kriste, ka gore ke maatla a Modimo go ya phološong go bona ba ba dumelago.”

Bjale re hwetša fa gore kgoši o be a le senganga.

⁹⁶ Feela se sengwe boka lehono, molwetši o tla lala thwi go... Go ka reng ge molwetši a ile ngakeng gomme a robetše fase mo ditepising tša gagwe, gomme a be a na le mohuta tsoko wa—wa letadi leo le bego le eya go mmolaya? Gomme ngaka ya tla mojako, gomme a re, “Mohlomphegi, ke na le sehlare ka mo.”

O re, “Aa, ke no se nyake.”

“Etsa ka gare, ke tla go fa tšhwana, tlhabelo.”

“Ga ke nyake sehlare sa gago.”

⁹⁷ Gomme o re bjale, “Mohlomphegi, nka—nka kgona go go thuša ge o ka no tla ka gare.”

“Gabotse, ga ke tle ka gare.”

⁹⁸ Gomme monna o robetše fale godimo ga ditepisi tša ngaka gomme a hwa; o hwa ditepising tša ngaka gobane a ka se amogele tlhabelo bakeng sa letadi la thaefote goba e ka ba eng le lego, leo a bilego le lona. A ka se amogele tlhabelo bakeng sa yona, gomme motho o hwa thwi mo setepising sa mojako wa ngaka. Bjale, monna... O ka se bee ngaka molato, ge a na le se—se sehlare seo se tla—seo se tla alafago bolwetši, gomme ngaka o rata go se fa, gomme se filwe. Gomme monna o dutše, a tla kgaušwi bjalo go setepisi sa mojako wa ngaka, le go dula fase fale le go hwa, o ka se bee ngaka molato. O ka se bee sehlare molato. Ke monna yo a tla solwago; a ehwa godimo ga setepisi sa mojako wa ngaka, ka bolwetši bjoo go nago sehlare go bo alafa, se ka bo alafa, ka gare. Gabotse, seo e no ba seswantšho.

⁹⁹ Eupsa, le a tseba, Modimo o na le sehlare ka gare ga Mmušo wa Gagwe, seo se ka alafago sebe se sengwe le se sengwe se lego gona ka lefaseng, gomme batho ba dula thwi ditepising tša mojako wa kereke. E sego seo feels, eupša ba dula thwi ka go dipanka, le go hwa, gomme ba a lahlega le go ya Heleng, ka gobane ba gana go amogela sehlare sa Ngaka. Amene. Yeo ke nnete. Ka go felela ba gana go tšea sehlare sa Ngaka, kagona ba hwa ka letadi.

¹⁰⁰ Gomme batho ba dula ka kerekeng le go kwa Melaetša ya Modimo, le go e dumela, gomme ba ka se O amogele. Ba ka se re, “Gabotse, bjale ga ke dumele yeo ke nnete.” Ba bangwe ba

bona ba tla tla, ba bolela le go dumelana le Wona, ba re, “Ke a dumela Ke nnete,” eupša o ka se e dire. Le a bona, o tla hwa. O ehwa ka dipankeng tša kereke, gobane ba ka se amogele kalafi. Ba ka se ke. Le a bona, se e se dirago, go tšea nthatana ye nnyane ya—ya botsebalegi go tšwa go batho. Go mokgwa wa go ba setla gannyane nthatana.

¹⁰¹ Ba boifa Tswalo ye mpsha yela. Le a tseba, tswalo e ka ba efe ke tlhakahlakano. Ga ke tshwenyege gore ke eng, ge e le ka hokong ya kolobe goba sepetlele sa go kgabišwa ka bopinki, ke tlhakahlakano, gomme go bjalo le ka Tswalo ye mpsha. E tla go dira o dire dilo tšeо o sa naganago o tla di dira. E tla go otlolla. Eupša pele o ka tsoge wa loka, o swanetše go tla go kgabola tlhakahlakano yela. Yeo ke nnete. Amene. Pele peu e ka tsoge ya tswalwa, e swanetše go hwa le go bola. Gomme seo ke se e lego bothata ka batho lehono, ga ba nyake go hwa le go bola ntle go lefase, gore ba kgone go tswalwa gape ka Moya wo Mokgethwa. Le a bona, yeo ke nnete. Ba boifa Tswalo ye mpsha yela. Ba—ba a boifa.

¹⁰² E ba dira ba dire dilo tšeо ba sa nyakego go di dira. E ntšha botsebalegi go tšwa go bona. E ntšha kgokgorothwana go tšwa go bona. Oo, ke a le botša, ke thabile gore go na le tlhabelo, bošegong bjo, yeo e tla le ntšhago go wena, ngwanešu, yeo e tla ntšhetšago lefase ka ntle. E tla dira batho, boena, go hlakana mmogo go sa kgathale ka diphapano tša dikerekemaina. E tla—e tla dira para ya dioborolo go bea matsogo go dikologa sutu ya tuxedo, le go goelela, “Ngwanešu, ke thakgetše go go bona!” Amene. Kgonthe! Eupša le . . . Ba boifa tlhabelo yela. Oo, nna!

¹⁰³ Go kotsi go gana sehlare sa ngaka, le a tseba, ge o—ge o eya go yena. Gomme e boifa . . . Ge o gana sehlare, ke kotsi. O ka no hwa. Eupša seo, seo, o tla no hwa nameng, go se tšeeng sehlare sa ngaka. Eupša ke kotsi ye kae go fetiša go gana tlhabelo ya Modimo go tšwa sebeng!

¹⁰⁴ Fa nako ye nngwe ya go feta, ke bile le tlhaselo ye nnyane ya balwetši, gomme yo mongwe o rile go nna, o rile, “Gabotse, Billy,” o rile, “a o bolokile bodumedi bja gago lebakeng la bolwetši bja gago?” O rile, “O a tseba, o dumela go phodišo Kgethwa; a o bolokile bodumedi bja gago?”

¹⁰⁵ Ke rile, “Aowa, bo mpolokile. E sego kgopoloy a ka go bo boloka; bo a mpoloka.”

¹⁰⁶ Ge Madi a Jesu Kriste a tšholotšwe godimo ga Khalibari, Modimo o dirile tokišetšo. Ge motho la mathomo a dirile sebe, o itlogeletše yenamong legaga le legolo leo a le kgabagantšego, a se itšhiele yenamong tsela go ya morago. Modimo, wa go huma ka kgaujelo, o amogetše kemedi, gomme ao e be e le madi a kwana goba powana, gomme kemedi yeo e tšere lebaka la mengwaga.

¹⁰⁷ Moshe o eme ka tlase ga tšhušumetšo ya Modimo, mola sebe ebile se sa hlalwa, se be gabonolo se nno khupetšwa ke madi a

dipoo le dipudi. Gomme o bile le le—le letago la Modimo godimo ga gagwe, go fihla a kgona go bolela dintšhi ka go beng gona, o kgonne go bolela digwegwe go ba gona. Ka baka la gore, lentšu ke mogopolo ge o hlagišwa, gomme Modimo o tlišitše megopoloo ya Gagwe go Moshe, gomme Moshe a e bolela ka mantšu. Gomme ge Lentšu le boletše, lefase ka moka le hlamilwe ke Lentšu la Modimo.

¹⁰⁸ Go be go fela go eba nako ge ke hwetša, ka sekolong, ke hwetša enke tsoko ye ntsho godimo ga ya ka—godimo ga hempe ya ka. Mama o be a fela a apola hempe ya ka, gomme a re, “Nneele yona, ka pela, hani,” gomme o be a bea oli ya malahle godimo ga yona. Gomme tšohle e di dirilego e be e no ba go e phatlalatša, e dirile lefelo le legolo gagolo la ntipikodiko, moo a beilego oli ya malahle godimo ga enke. Seo ke sohle a tsebilego ka sona. Seo e bile bokaone a bilego le bjona.

¹⁰⁹ Eupša go a fapana lehono. Ba tšweleditše selo se bitšwago setlošadipatso. Gomme le . . . Ke khemikhale yeo nako le nako ge enke yela e wela morago ka go Clorox, goba setlošadipatso, e ka ba eng e lego. Ge e ratha seo, o ka se kgone go hwetša boso bjoo gape, le gatee. Go direga eng ka yona? Rothetša lerothi la enke ye ntsho ka go sekotlelo sa setlošadipatso, gobaneng, ga o ne selo. O ka se hwetše mahulo a itšego.

¹¹⁰ Ge nkabe ke le rakhemese, mantšu a—a a ka no se be therešo tlwa go saense, eupša nka re, ke eng? “Ke H₂O, meetse, bakeng sa selo se tee. Gona go ne khemikhale ka go yona, gomme e dirile boso.” Go na le mmala o tee feela wa setlogo, gomme woo ke bošweu. Mebala ye mengwe yohle ke phapogo go tšwa go woo. Gomme bjale ke re . . . Gomme ka gona ge o ka o roba go tloga fao, gomme mohlomongwe o tla re, “Gabotse, o fetogile esiti ge e betha setlošadipatso. E fetogile esiti.” Go lokile, gona esiti e ile kae? “Esiti e boetsé morago . . .”

Bjale, ke mmala re bolelagoo ka ona ka ga ye, mmala.

¹¹¹ O re, “E ile morago go dimolekule. Gabotse,” o re, “molekule nne atiša ka tshela hlakanya le senyane, o dira molekule H.” Ge e ka tšwela ntle nne hlakanya tše tshela hlakanya le seswai, e tla tšwela eng ntle? Pinki sebakeng sa boso. Morago e ile morago go tloga fale go ya go diathomo. Gona, go tloga go diathomo, hlakanya e tee hlakanya le B2 hlakanya le tharo, go dira nne, ye e e beago ka molekule H. Go ra eng? Ka gona o tla morago go boso gape. Gomme ka gona ge o eya bokagodimo ga fao, o ka no ya go dielektrone.

¹¹² O ya kae go tloga fao? O tla swanelo ke go ya morago. Ka gobane ke tlholo, e ile ya swanelo go tšwa go Mohlodi. O swanetše go e dira. Kagona, e ile tsela yohle morago go Mohlodi wa yona. Mmala wola o bego o le ka go enke yela, o ka se tsoge wa bowa gape.

¹¹³ Bjale, Modimo o bone gore madi a dipoo le dipudi ga se a kgona go tloša sebe. Ga se nke A tšweletša, eupša O hlotše khemikhale ka go Madi a Jesu Kriste. Amene. Gore sebe ge se kile sa ipolelwa ka tsela ya maleba; ebile ga o—o direle legaga lela leporogo, o tloša legaga go felela, gomme Modimo ebile ga a tsebe gore o kile wa dira sebe. Yeo ke nnete. O rile O “di beile ka go Lewatle la Bolebadi,” go se sa di gopola gape le gannyane kgahlanong le wena. Ka gona banna le basadi ba ema ka Bogoneng bja Modimo, bjalo ka barwa le barwedi ba Modimo, yona tlhago ya Modimo wa bona ka dipelong tša bona.

¹¹⁴ Kereke e kae lehono, ngwanešu? Go diregile eng ka kereke? Ge, re kgona go bona gore Madi a Jesu Kriste a tlošitše dibe kudu, gore Modimo ebile ga a elelwé re dirile sebe. Gona, “E ka ba eng le se kgopelago Leineng la Ka, seo Ke tla se dira.” Bothata ke eng? Ke ka gobane yo mongwe o be a phethagatša Mangwalo a bakeng sa batho. Se ke selo se nnoši seo nkago go se nagana se dirilwe, gobane kalafi ya Modimo e sa le go swana. Bjale, ke kotsi go gana tlhabelo ya ngaka, go bontši gakaakang Modimo!

¹¹⁵ Bjale monna o tsoge a hwetša bjang sehlare, go le bjalo, go šoma godimo ga motho? Le a tseba ke eng borakhemese ba e dirago, goba—goba borasaense? Ba tsea bolwetši, gomme ba hwetša gore ke mohuta mang wa twatši ye e lego ka go bjona, morago ba hwetša mohuta tsoko wa mpholo, sethibela, le go ya pele, mpholo wo o lekanetšego go go bolaya, le sethibela go lekanelo go e palediša go e dira, gomme ba e hlabeleda pele ka go kolobe ya diteko. Ba fa kolobe ya diteko bolwetši bjoo o nago bjona. Gomme morago ba tsenya sehlare ka go kolobe ya diteko, gomme ge kolobe ya diteko e ka phela, gona ba go fa yona. Kafao seo ka kgontha ke selo, le a tseba; ba e fe dikolobe tša diteko gomme ba bone ge eba e ka kgona go e tsea, gomme, ge kolobe ya diteko e sa hwe, gona ba go fa yona. Ga se bohole—ga se batho bohole ba dirilwego boka dikolobe tša diteko, le a tseba, kafao e—e bolaya ba bangwe le—le go thuša ba bangwe.

¹¹⁶ Eupša go na le selo se tee ka tlhabelo ye yeo Jesu Kriste a e fago, e thusa yo mongwe le yo mongwe. Ga se kalafi; ke sefodiši.

¹¹⁷ Le kwele batho ba re lehono, “Mmolai wa maemo a pele ke bolwetši bja pelo.” Ke—ke fapano le bona; e sego go fapano. Ke no fapano gobane ke a tseba ke phošo. Mmolai wa maemo a pele ke bolwetši bja sebe. Nneta, e sego—e sego bolwetši bja pelo bjohle, ke bolwetši bja sebe.

¹¹⁸ Le a tseba, batho ba bangwe ba re, “Gabotse, bjale, Ngwanešu Branham, ke a dumela o taramolotše lepai fale gannyane nthatana. Bjale a nke ke le botšiseng se sengwe. Monna o swanetše go dira sebe; ke no swanela go dira sebe gannyane ga nthatana letšatši le lengwe le le lengwe.” Ke ka gobane ga se nke wa tsoge wa hlabeleda. Yeo ke phetho. Le a bona? Uh-huh. Ya. Ga

se wa tsoge wa leka kalafi ya Modimo. Yeo ke nnete. Ge o ka dira seo, gona o ka se e dire.

¹¹⁹ O re, “Ke no swanela go kgoga. Se sengwe se no ntira ke kgoge.” Leka tlhabelo nako ye nngwe, gomme hwetša ge eba—ge eba e a šoma goba aowa. O re, “Ke—ke no se kgone go tlogela go dira se. Ke—ke . . .” Gabotse, o no—o no tšea pheko ya Modimo nako ye nngwe le go bona ka fao e dirago go wena.

¹²⁰ Mosadi o rile go nna e sego telele go fetile. Ke be ke etla godimo ga gagwe ka go apara diaparo tše nnyane tša kgale tša bogoboga. Gomme o rile, “Bjale, Ngwanešu Branham, a nke ke go botše, ga o na tokelo go bolela seo. Re na le tokelo go apara dišothi ge re nyaka.”

¹²¹ Ke rile, “Ke a thanka yeo ke nnete. Eupša ge o be o le Mokriste, o be o ka se nyake go di apara.” O rile, o rile . . .

¹²² Gomme o rile, “Gabotse, bjale ema, Ngwanešu Branham.” O rile, “O a tseba, ga ba dire mohuta wo mongwe wa diaparo eupša feela diaparo tšela tša thobalano, le go ya pele, ka mokgwa woo.”

¹²³ Ke rile, “Ba sa na le dilo tša pouto gomme ba dira metšhene ya go roka. Ga go na boitshwareletšo.” Yeo ke nnete.

¹²⁴ Ke ka gobane ga ba nyake go tšea tlhabelo ya go tlala ya Moya wo Mokgethwa, ya fešene ya kgale, go phološwa ke Modimo, bokgethwa bja kampa ya kopano. Amene. Yeo ke nnete.

¹²⁵ Go be go fela go eba phošo go dira dilo tše. Go sa fošagetše! Yeo ke nnete. Eupša bothata ke eng, go ne se sengwe se diregilego. Go be go fela go eba gore—gore batho bao ba tla itshwarago ka mokgwa wola, eibile ba be ba kgaotšwe go tloga setšhabeng; bjale ba ka se kgone go tlišwa ka setšhabeng go fihla ba e dira. Gomme kafao, le a bona, go ya le gore pelo ya gago e kae, mahumo a gago le wona a fao; goba moo lehumo la gago, pelo ya gago e gona, le yona. O swanetše go elelwa, gore, ge o rata Morena ka pelo ya gago yohle, o tla phela o hlwekile le go seká.

¹²⁶ Mosadimogatša le nna re ile godimo lebenkelengkgoparara, mo nako ye nngwe ya go feta. Re bone selo sa go tlabá, mosadi a apere roko. E be e le selo sa go tlabá ka nageng ya rena. Gomme Meda o rile go nna, o rile, “Bill, ke tseba seo, bona, ba bangwe ba bona basadi ba opela ka dikhwaereng tlase fa ka dikerekeng.” Gomme o rile, “Ke a ba tseba.” Gomme o rile, “Bjale, gabaneng, ke eng e ba dirago?”

¹²⁷ Ke rile, “Gabotse, o a bona, hani,” ke rile, “go beng moromiwa, bjalo ka nnamong,” ke rile, “re—re ba naga ya go fapaná.”

O rile, “Eng?”

Ke rile, “Re ba naga ya go fapaná, setšhaba sa go fapaná.”

O rile, “A ga se rena Maamerika?”

¹²⁸ Ke rile, “Re phela mo, eupša le ga se legae la rena. Re baeti. Re nyaka Toropokgolo, Yeo Moagi le Modiro wa yona ke Modimo. Ke ile ka Finland; ke bone tsela ye ba dirilego ka Finland. Ke ile ka gare, le tlase ka Jeremané; ke bone tsela ye ba bilego le moyá wa Sejeremané. Ke ile tlase ka Switzerland; ba be ba ne moyá wa Switzerland. Ke tla go Amerika; ba na le moyá wa Amerika.”

O rile, “Gabotse, gona, go reng ka rena?”

¹²⁹ Ke rile, “Re tswetšwe go tšwa Godimo, ba Legodimong, moo bohlweki, le bokgethwa, le toko, le go botega.” Ee. Ke rile, “Kagona, bao ba ipolelago seo, ga ba lebelele go dilo tša lefase. Eupsa re bolela phatlalatša, ka maphelo a rena le tsela ye re phelago, gore re na le Modimo, re na le Mmušo, re na le lefelo mo re yago. Gomme le ga se legae la rena.” Amene.

¹³⁰ Nna, ke rata seo! Ke thoma go ikwela bodumedi gabotse thwi bjale. Ee, mohlomphegi. Ke dumela ka go ye ya nako ya kgale, phološo ya Moya wo Mokgethwa. Oo, ngwanešu, kgaetšedi, e dira se sengwe go wena. Modimo wa go swana, a phetšego nako ye nngwe, o sa phela lehono. Ya Gagwe ya go swana, thuto ya Gagwe ya bokgethwa ya go swana, e no phela bošegong bjo go swana le ge e kile ya phela, feela selo sa go swana. Ee, mohlomphegi. Hlokamelang, batho ba tlogile go tšwa go thuto ya Lona, seo ke ka moka. Ee. Bjale, ee, mohlomphegi.

¹³¹ Bja maemo a pele bja rena . . . Bolwetši bja pelo ga bo dire, selo se segolo seo se bolayago batho lehono. Ke bja maemo a pele: bolwetši bja sebe. Gomme sebe ke gosedumele. Gosedumele ka go eng? Beibele. Yeo ke nnete. Ee, ke bja maemo a pele: bolwetši bja sebe, bjoo bo bolayago batho lehono, bobedi semoyeng le . . . Gomme seo se tla ba dira ba ba bolaye nameng, ka nnete, gobane ba šetše ba kgona go netefatša gore monna yoo a swerego dikgopi, le basadi ba ba bakago le go kgorometšana, le go lwa le go nganga, ba a hwa. Go tla hlola kankere, mouta, se sengwe le se sengwe gape se tla tsena ka gare, dialesa.

¹³² Le a bona, le dirilwe go thaba le go lokologa. Le dirilwe go phela bjalo ka bana pele ga Tatago, le—le go tseba gore O dira letšatši le lengwe le le lengwe, se sengwe le se sengwe go šomela gabotse go lena letšatši le lengwe le le lengwe. Ee, mohlomphegi.

¹³³ Batho ba no boifa Tswalo ye mpsha ye. Yeo ke phetho. Ba boifa go tla go yona, gobane e tla ba otlolla. E tla go dira gore o tlogele go bapala pinko, wa tlogela go bapala metšhene ye ya seloto. E tla go dira o tlogele go dula gae ka Laboraro bošego, go tloga kopanong ya thapelo, go bogela *Re Rata Sucy* le tšohle dilo tše dingwe tše bogafa tše Hollywood e nago natšo, le yona metlae ya ditšhila ye e bolelwago godimo kua. Gomme e tla dira—e tla go dira o tlogele moriri wa gago o golele ntłe, botelele. E tla go dira o itshware boka mohumagadi. E tla dira monna a tlogele go kgoga disekerete, ka gona a ba kerekeng bjalo ka matikone. E tla dira batho ba tlogele go aketša, go utswa. E tla go direla se

sengwe. E tla go hlwekiša le go go fa phološo gore ga se gona ka lefaseng se ka kgonago go e hhalosa go tloga go wena, ka gore o a tseba gore o be o le fao ge e direga. Ee, mohlomphegi.

¹³⁴ Bjale, bjalo ka ge ke boletše lebakana la go feta, ge Modimo... Ge motho a hwetša sehlare, selo se ba se dirago, ba nyaka kalafi ye. Morago ba hwetša bolwetši bjo, morago ba bo hlabela ka go kolobe ya diteko le go bona ge eba kolobe ya diteko e tla phela.

¹³⁵ Bjale, ge Modimo a be a eya go tliša tlhabelo ye yeo ke bolelago ka yona bošegong bjo, moreku wo wa Gileada, ga se a hwetša kolobe ya diteko. O tla ka Boyena. Amene. Tsela e nnoši A ka kgonago go dira, ke go tla ka sebopego sa Morwa wa Gagwe, gomme a dirwa nama le go dula magareng ga rena, gore a tsee lebola la lehu. O tla go hwa. Tsela e nnoši A kgonnego go hwa... O be a ka se kgone go hwa bjalo ka moyo, bjalo ka motho. Kafao O bopilwe mmele wo o bitšwago Jesu Kriste, Morwa wa Modimo, gomme Modimo o dutše ka mmmeleng wo, a itira Imanuele Yenamong lefaseng, go tloša sebe sa motho. Yeo e be e le khemisitiri yela e bego e le ka go Madi ale.

¹³⁶ Yo mongwe o rile, “O be a le Mojuda.” O be a se Mojuda. Ba bangwe ba bona ba rile, “O be a le Montle.” O be a se Montle.

¹³⁷ O be a se selo bonnyane go feta Modimo. Beibele e boletše gore, “Re pholosítšwe ka Madi a Modimo.” Madi a tšwa go bong bja monna. Re tseba seo. Haemoklopini e tšwa go ye tona; ya tshadi ke lee feela. Yeo ke nnete.

¹³⁸ Boka ke boletše fale, boka nako ya seruthwana. Dinonyana tše tša mme wa kgale di aga dihlaga ntle fa, le go bea mae. Tše dingwe tša tšona di tla bea sehlaga sa go tlala sa mae seo se ka se phaphašego, le sona. Gobaneng? A—a ka kgonago go bea sehlaga sa go tlala mae, gomme a ka kgonago go dula godimo ga ona le go no botega kudu. A ka kgonago go retolla mae letšatši le lengwe le le lengwe, gomme a dula fale kgole le dijo, go fihlela a eba go fokola kudu a sa kgone go fofa go tloga sehlageng. Ga go kgathale o a pepetletša gakaakang, le go a neneketša gakaakang, le ka fao a botegago go ona, a ka se tsoge a phaphaša. Gobaneng? Ga se nke a be le molekani, gomme ga se a nontšhwa, kagona a tla no robala fale le go bola.

¹³⁹ Seo ke se e lego bothata ka bontši bja dikhonferense tša rena. Seo ke se e lego bothata ka kopano ya rena ya kampa, bontši bja bona lehono, le dikhonferense tša rena. Re hwetša eng? Sehlopha sa dibapadišwa le bareri ba sesadi bao ba swanetšego... Gobaneng, ke kgobogo. Gomme o tla ka fale gobane o ne maemo a mannyane, goba thuto ye nnyane, a ba kgoromeletša godimo ka godimo ga se sengwe. Nka, nna, selo se nnoši re se hlokago lehono ke... Re na le sehlaga sa go tlala mae a go bola.

¹⁴⁰ Se re se hlokago ke nako ye botse ya kgale ya go hlwekiša sehlaga, tsela yohle go tloga fao, yeo e tla le kgoromeletšago ntle,

go fihla re hwetša banna le basadi ba ba tladišwego ka Moya wo Mokgethwa; bao ba bilego le Molekani, Jesu Kriste, gomme ba tladišwe ka Moya wo A kolobeditšwego ka wona. Yeo ke nnete. Ka gona re na le Bophelo ka kampeng. Ee, mohlomphegi. Pheko, ba a E boifa.

¹⁴¹ Jesu Kriste, Morwa wa Modimo, ge A belegwe, ba bangwe ba bona ba rile, “Gabotse, bjale, O be a le, O—O be a le lee la Maria.” O be a se. Ge Maria a ka be a ile a swanela go tliša lee lela tlase go kgabola tšupu le go ya popelong, go be go swanetše go ba maikutlo, kafao le a bona se le beago Modimo go dira? O be a se ešita, e sego karolo ya lona.

¹⁴² Modimo, Mohlodi, o apešitše kgarebe Maria ka moriti, gomme a hlola disele ka gare ga popelo ya gagwe, gomme a tliša pele Monna yo e bego e le Imanuele, Modimo ka Boyena a dirilwe nama, magareng ga rena, go se na thušo go tšwa go mang kapa mang. Yena ke Mohlodi yo a dirilego motho wa mathomo. Amene. Oo, nna! Šole Yena. O eme kua. Ee, mohlomphegi. Gomme ka gona O dirile seo gore A kgone go tšea tlabelo.

¹⁴³ Rasaense yo mongwe le yo mongwe wa nnete, ngaka ye botse yo a hwetšago bolwetši, ba bangwe ba bona ba tla ya godimo kampeng ya kgolego gomme ba hwetša monna tsoko go e leka, yo a yago go ba le bophelo ka kgolegong. Ge a ka phonyokga tlabelo, gobaneng, gona mpholo wa se mmolaye, a ka kgona go lokologa ge a le komana go tšea tlabelo. Bagolegwaa ba letela seo. Oo, yoo ke ngaka yo a boifago sehlare sa gagwe.

¹⁴⁴ Eupša, le a tseba, Modimo o be a sa boife sehlare sa Gagwe Mong. [Lefelo la go se be le selo godimo ga theipi—Mor.] . . . ka legopong, monna a eme maribeng a Jorodane. Ge tlabelo e wela fase kua, o e bone boka leeba le etla fase go tšwa Legodimong, gomme O be a hlabelwa. Gomme Segalontšu se rile, “Yo ke Morwa moratwa wa. Ka yo Ke kgahlwago ke go dula ka go yena.” Amene. Modimo ka go motho. Yeo ke tlabelo. Modimo ka go motho. Lefase le ile la Mmogela. Moleko wo mongwe le wo mongwe, O ile a o emela. Ge ba tshwela ka sefahlegong sa Gagwe, ba gogetše ditedu ntle le go tshwela godimo ga Gagwe, e emelane le moleko. Mo diiring tša moleko, e emelane le moleko. E swere! Tlabelo ye A e amogetšego ka Jorodane, e swere. E swareletše ka nako ya botsebalegi.

¹⁴⁵ Bothata ke eng ka tše ntši tša—tša dikereke lehono, Modimo o tla ba šegofatša, ba thoma . . . Gomme seo ke se se gobatšago batho ba rena ba Pentecostal. Bona, ba swanetše go ba morago boka borakgolokhukhu ba rena ba bile, ka pane ya kotikoti goba tamborine, tlase sekhutlwane felotsoko, ba pidinya tamborine; go phala e tla latša mebušara ye megolo ye yeo re e agago lehono, go leka go swana le batho ba bangwe. Se re se hlokago ke tšhologelontle ye botse ya fešene ya kgale ya Moya wo

Mokgethwa, yeo e tla le hlwekišago, go akaretša lena badiša ba kereke ya Pentecostal. Yeo ke nnete.

¹⁴⁶ Bjale, selo sa yona e bile, gore ge Moya wo Mokgethwa o tlile fase godimo ga Jesu, mo letšatšing la kolobetšo ya Gagwe, O ile a hlabelwa. Re Mmogetše mo iring ya moleko. Ge diabolo a lekile go Mo fa mebušo yohle ya lefase, O dirile eng? O dutše thwi le Lentšu. Amene.

¹⁴⁷ Se ke makalago lehono, gore baena ba bantši ntle tšhemong ge e sa le tsošeletšo ye ya letšatši la mafelelo . . . Gobaneng e le, ge o hwetša mašelengnyana a se kae goba go fetola ga diaparo, o yo mogolo kudu go ya felotsoko, le wena, oo, se sengwe gape, gomme o swanetše go ba le se sengwe se segolwane go feta yo mongwe? Go fetogile lebelo la tlwaelo la legotlo. Ke dihlong. Modimo o nyaka motho yo a tla ikokobetšago yenamong, le go ya fase kua ka lefelong, yo mongwe A ka kgonago go bolela le yena. Eupša e ba ya lebelo le lebjalo la legotlo, yo mongwe le yo mongwe o leka go hwetša se sengwe se segolwane go feta moisa yo mongwe. Ke . . . Gomme, le a bona, ga ba kgone go emela tlhomphego yela ya moleko wa Sathane.

¹⁴⁸ Eupša Morena wa rena o emelane le moleko. Tlhabelo e swere. Ge nako e etla, go be go le ngangišano ka Lengwalo, O dutše tlwa le Lentšu. Sathane o rile, “Go ngwadilwe.”

O rile, “Gape go ngwadilwe.” Oo, ke . . . Letago! Modimo ka go motho, le a bona.

¹⁴⁹ O bile le eng? O bile le se sengwe le Yena go thekga lentšu le lengwe le le lengwe A le boletšego. O rile, “Ge ke sa dire mediro ya Tate wa Ka, gona le se Ntumele. Eupša ge le sa kgone go Ntumela, dumelang—dumelang mediro yeo A e dirago ka Nna.” Oo, nna! Ke lena bao.

¹⁵⁰ Se re se hlokago ke banna le basadi boka bao, lehono, bao ba ka kgonago go tswalela molomo wa lefase, ka maswao a Moya wo Mokgethwa. Re hloka kopano ya kampa boka yeo. Re hloka go hlanolwa godimo go ya ka tlase, go šikinywa, bontši bjia lefase le dilo go tšwa ka kerekeng, tše di tlilego ka gare ka matšatšing a a mafelelo. Tšhelete e phatlalatše go kgabola naga, le dilo tše kgolo, tše di nago le menagano ya batho ka dilo tše kgolo sebakeng sa go Modimo. Go itšimeletša, go itšimeletša ka Lengwalo! Ngwanešu e ka ba mang yo a thomilego ntle ka tsela yeo, eupša ba tsebalega ka go mokgatlo tsoko, ba itšimeletša ka se a se dumetšego.

¹⁵¹ Madi ale ga a sepele ka go wa mmapale, motho motswalwa ke Moya wo Mokgethwa. Bodiabolo bohole heleng ga ba kgone go mo nyamiša godimo ga Lentšu lela. O tla ema go Leo go sa kgathale eng. Amene. Paulo o rile, “Ga go selo sa bjale goba ka moso, se ka tlago, goba e ka ba eng, se ka kgonago go re aroganya le lerato la Modimo.” Tswalo yela ya kgonthe ya mmapale ya Moya wo Mokgethwa e tla ka go motho, ke yena morwa wa Modimo. Ga go

legaga magareng ga gagwe le Modimo. Yena ke morwa wa Gagwe ka Bogoneng bja Gagwe. Amene. Ke rata seo. Ke a tseba yeo ke therešo. Go lokile.

¹⁵² Re hwetša gore mo iring ya moleko, bakeng sa dilo tša lefase, tlhabelo e swere. Ka nako ya go bitšwa mopshikologimokgethwa goba—goba go dirwa metlae, ba bea lešela go dikologa sefahlego sa Gagwe, mahlo a Gagwe, gomme ba Mmetha mo hlogong ka phata, ba re, “Bjale ge O le moprofeta, re botše ke mang a Go iteilego.” Bona masole a Roma, ba Mmone a hlatha dikgopololo tša batho. Go ema ntle le . . .

¹⁵³ Ge nkabe A eme fa bošegong bjo, O be a tla lebelela go dikologa le go botša mosadi yola se e bego e le phošo ka yena, le se e bego e le se goba sela. Ke ka tsela ye A e dirilego. Yeo ke tsela ye A sa e dirago, gobane ga A fetoge. Amene. A ga se la thaba? Yoo ke Modimo yo a phelago. Gore motho a kgone go wela ntle ga tlhaka, gomme bophelo bo tšwele ka ntle ga gagwe; gomme monna a eme fale le Modimo ka go yena, o kgonne go lala yenamong godimo ga monna yola, gomme o phetše gape. Modimo yola wa go swana o a phela bošegong bjo. Amene. Yena ke Modimo wa go se fetoge. Kereke e hloka tlhabelo. Yeo ke nnete.

¹⁵⁴ Bjalo ka ge David duPlessis gatee a boletše, Modimo ga a na ditlogolwana. Yeo ke nnete. Moo baena ba rena ba Pentecostal ba bago, bana ba bona ba tla ka kerekeng gomme ba no re, “Gabotse, re Pentecostal gobane papa o be a le.” Ge papa a be a le Mopentecostal, gomme a hweditše kolobetšo ya Moya wo Mokgethwa, o tla swanelo go O hwetša ka tsela ya go swana papa a dirilego. Ga A na ditlogolwana. O no ba le barwa le barwedi, e sego ditlogolobarwa le ditlogolobarwedi; feela—feelaa barwa le barwedi. Ke therešo.

¹⁵⁵ Kafao o swanetše go dira selo sa go swana ba se dirilego ka Letšatši la Pentecost. O swanetše go ba le boitemogelo bja go swana. O swanetše go ba le selo sa go swana se ba bilego naso. Modimo ga a tsoge a fetola lenaneo la Gagwe. Yena ga a tsoge a fetola ditsela tša Gagwe. O no dira selo sa go swana nako yohle. Tsela ye A beago lenaneo la Gagwe fase, le swanetše go goga leo nako ye nngwe le ye nngwe. Le swanetše go ba selo sa go swana. Gomme ge o ka dira selo sa go swana, dipuelo tša go swana di tla tla. Amene. Yeo ke nnete.

¹⁵⁶ Bjale re hwetša, e swere mo nakong ya moleko. E swareletše ge se sengwe le se sengwe se be se eya ka phošo. E swere ge bagwera ba Gagwe bohole ba Mo tlogetše. O be a sa swareletše, tlhabelo e be e swere. Ka gona diabolo a gopola, “Ke Mo hweditše bjale.” O thomile godimo Khalibari, Madi a elela go tšwa mmeleng wa Gagwe. Seaparo sa gagwe se phuthetšwe go Mo dikologa, go gašana go tee go gogolo ga Madi. Diabolo o swanetše go be a rile, “Ke Mo hweditše bjale. Yoo e ka se kgone go ba Modimo. Aowa, aowa. Yoo a ka se be Yena, ge A ka

tlogela bona masole go tshwela sefahlegong sa Gagwe, ge A ka ba dumelela go hloholo maledu a go tlala seatla go tšwa sefahlegong sa Gagwe, ge A ka ba dumelela go Mo hloholo go bona pono gomme ga se A e dira. Gomme bjale šo O ya go rotoga thaba, a rwele sefapano sela, ke tla ba le Ŷena mo metsotsong e se mekae.”

¹⁵⁷ Nosi yela ya lehu e theogetše tlase, le go dikologa go rarela, go Mo loma. Le a tseba, go swana le nosi ye nngwe le ye nngwe, e na le lebola ka go yona. Eupša, le a tseba, Modimo o be a lokišitše nama nako yeo, e be e le nama ya Modimo. Ge lebola lela le kile la tsetsemetša ka go Morwa yola wa Modimo, ka go Imanuele; ge a ikgogotše ntle yenamong, o be a se na lebolela le šetšego. O tšere lebola thwi go tšwa lehung. Ga go makatše Paulo a kgonne gore, “Lehu, lebola la gago le kae? Lebitla, phenyo ya gago e kae? Eupša a go lebogwe Modimo, Yo a re fago phenyo ka Morena wa rena Jesu Kriste.”

¹⁵⁸ O kgonne go tsetsemetša Eliya, gomme a hwa, o kgonne go tsetsemetša Eliya gomme a šala le lebola la gagwe. Eupša, le a tseba, ge nosi—ge nosi e ka tsoge ya loma go lekanelo, e ka se kgone go loma gape, e gogela lebola la yona ntle. Kafao go be go se nama ya motho yeo a ka kgonago go kgwaparetša ka go yona. Oo, nna! Ga go yo mongwe yoo a kgonnego go kgwaparetša ka go yena. Eupša ge a le beile ka go Imanuele nako yeo, o lahlegetšwe ke lebola la gagwe. A go lebogwe Modimo! Ee, mohlomphegi, o šitilwe ka yola. Ee, mohlomphegi.

¹⁵⁹ Ba hweditše pheko e swareletše. Ba rile, “Ge O le Morwa wa Modimo, fologa sefapanong.” Moprista yo mogolo, mohlomphegi yo mogolo wa kereke, o rile, “Re botše pepeneneng bjale. Ge O le Morwa wa Modimo, fologa sefapanong gomme o iphološe Wenamong,” le go ya pele. “A re boneng ge eba O Morwa wa Modimo.” Ga se nke A bula molomo wa Gagwe le go bolela lentšu.

¹⁶⁰ Bjale re hwetša gore O hwile. Ka kgonthe O hwile. O hwile go fihla letšatši le ngwedi di rile O hwile. Tlhago yohle e rile O hwile. Lefase le ile la roromela, le bile le tonya ga megalatšika go kitima godimo ga lona. Gomme ge ba bone yena Modimo yo a hlotšego lefase, o be a lekeletše ntlhoreng ya lefase, gomme Madi a Imanuele a rothela godimo ga mobu. Ga go makatše O hwile. O hwile go fihla se sengwe le se sengwe se rile O be a hwile.

¹⁶¹ Gomme ka gona re ya go hwetša ntle, pele A ehwa, O rile, “Lena senyang tempele ye, gomme Ke tla e tsoša gape ka letšatši la boraro. O ka se tsoge wa kgona go e swarelel fase. E senyeng, gomme Ke tla e tliša morago godimo ka letšatši la boraro.”

¹⁶² Ba beile mohlapetši go dikologa, go hwetša tlhabelo e be e eya go swara. Ba e bone e swareletše go kgabola moleko wa sebe. E swareletše ka bohloking. E swareletše ka mahumong. E

swareletše ka go mehuta yohle ya moleko. E sa swareletše. Eupša bjale ke ka lehung, e ya go dira eng bjale?

¹⁶³ Eupša mosong wa Paseka, oo, nna, feela pele letšatši lela le hlabu, tlhabelo yela e ile ya swarelela. Gomme, ge e dirile, lehu la thuba mapheki a lona, lebitla la bulega, gomme O tsogile gape ka letšatši la boraro le go rotogela Godimo. Go laetša gore tlhabelo yeo ke tlhabelo ya Bophelo bjo Bosafelego. O ka se kgone go e senya. Le mpa ya hele e ka se kgone go e swara. Lebitla le ka se kgone go e swara. Lelu ga le kgone go e swara. Ga se gona se ka kgonago go e swara. E tla tsoga gape.

¹⁶⁴ Jesu Kriste o rile, “Bohole Tate a Mphilego ba tla tla go Nna, gomme Ke tla e tsoša gape ka letšatši la mafelelo.” Haleluya! Monna goba mosadi yo a bego a hlabeltšwe ka Le, ga a kgone go dula ka lebitleng. Ga go lebitla le ka kgonago go swara baloki. Ga go hele e ka kgonago go o thibela; ga go lebitla, ga go selo gape. Jesu Kriste o tshepišitše go o tsoša gape ka Letšatši leo. Amene. Oo, ke thabetše seo kudu, tlhabelo yela. Le a tseba, mo mosong wa Paseka e netefaditše.

¹⁶⁵ A le tseba se e bego e le? E be e le selo se segolo kudu, go fihla batho ba lekgolo masomepedi ba nyaka go hwetša go hlabelwa. Bjale, ge A ka kgona go boloka go kgabola moleko, go be go le batho ba lekgolo masomepedi bao ba Mo tsebilego gabotse ka kgonthe, ba nyakile tlhabelo yela. Kafao thwi nako yela O be a swanetše go ya laborating le go lokiša tšhwana, kafao O rile, “Eyang godimo kua toropongkgolo ya Jerusalema go fihla Ke e hwetša, fomula yohle e lokisitšwe. Ke ya go E romela tlase go lena.” Kafao ba ile godimo go leta.

¹⁶⁶ Kereke ya Bokriste e swanetše go kitima bjang, ke mohuta mang wa tlhabelo e tla e tšeago? Eng, tlhabelo e tla ba eng? Ba tla dira bjang? Go tla direga eng? A bohole ba ka ya kgole go seminari le go ithuta go ba le Ph.D. le LL.D.? A moprista yo mongwe o be a swanetše go tla godimo ga tsela ka senkgwana diatleng tša gagwe, le go latswa ntle le go tšea selalelo, gomme seo ke sona?

¹⁶⁷ “Eupša fao go tlie modumo go tšwa Legodimong,” tlhabelo e be e le tseleng ya yona, “boka phefo ye maatla e tšutlago, gomme O tladitše ntlo yohle moo ba bego ba dutše. Maleme a maphakga a dula godimo ga bona, bjalo ka Mollo. Gomme bohole ba ile ba tlatšwa ka Moya wo Mokgethwa, le go thoma go bolela ka maleme a mangwe, bjalo ka ge Moya o ba fa polelo.”

¹⁶⁸ A le kile la bona tempele ya kgale, seswantšho sa yona? Go be go ne lebatle lennyane la ka thoko leo le tšwetšego ntle, le rotogile go bapa ditepisi, le ile ka phapošing ya ka godingwana. Ba tswaletše mabati gomme ba tsene, gobane ba be ba boifa.

¹⁶⁹ Eupša ke a le botša, ge ba hwetša go hlabelwa boka namane ye nanana e tshungwego, ga se ba kgone go mo swara. Aowa, mohlomphegi. Go tšwa phapošing yela o tlie, ntle ka mekgotheng o ile. O be a hlabeltšwe. Lelu, hele, tlhomaro, go

segwa, go dirwa motlae, ga se go dire phapano go yena, o be a hlabelswē. Amene. Oo, nna!

¹⁷⁰ Theeletšang Petro a eme godimo fale. Ba thoma go botšisa, “A go na le moreku e ka ba ofe ka Gileada? A go sa na le moreku e ka ba ofe ka Gileada? A ga go matwetwe fao?” Oo, ya, re na le bontši bja moreku ka Gileada. Re na le bomatwetwe ba bantši.

¹⁷¹ Ka letšatšing leo, Ngaka Simone Petro, o be a le matwetwe. O rile, “Ke ya go le ngwalela taelotšhomiso. Ke ya go le botša. Gomme ye ke taelotšhomiso ya ka Gosafelego, ka gobane e ya go ba ya lena, le ya bana ba lena, le ya bona bao ba lego kgolekgole. Gabotse, ke ya yo mongwe le yo mongwe yo a tla bitšago godimo, Morena Modimo wa a tla ba bitšago godimo, ‘Ke ya go e fa go yena.’”

¹⁷² Ba rile, “Re ka dira eng go hlabelwa?” Fao ke mo a letšego. “Re ka dira eng go hlabelwa?”

¹⁷³ O rile, “Ke tla ngwala taelotšhomiso.” O rile, “Sokologang, yo mongwe le yo mongwe wa lena, gomme le kolobetšweng Leineng la Jesu Kriste bakeng sa go tlošwa ga dibe tša lena, gomme le tla amogela neo ya Moya wo Mokgethwa. Ka gore taelotšhomiso ye ke ya lena, le go bana ba lena, le go bona ba ba lego kgole, le ba bantši ba Morena Modimo wa rena a tlago go ba bitša.” Oo, nna!

¹⁷⁴ Le a tseba ke eng? Ge ngaka e hwetša kalafi ya bolwetši; gomme o ngwala taelotšhomiso, gomme radiokobatši tsoko wa bofora o a e hwetša gomme o ya go oketša gannyane ga se le go tloša gannyane ga se, e tla ba gore o bolaya molwetši goba—goba o dira se sengwe go yona. Taelotšhomiso ebile ga e na le sehlare se se itšego sa go lekanelia ka go yona go dira botse bjo bo itšego. Ge e sa dire, e fokola kudu o ka se thuše molwetši.

¹⁷⁵ Gomme seo e le se e lego bothata ka bontši bja boradiokobatši ba ba seminari lehono. Ba tšeela taelotšhomiso ntle, gomme ba oketša se sengwe gape go na le Yona, gomme o na le sehlopha sa mebušara ye e hwago.

¹⁷⁶ Taelotšhomiso ye e sa dutše go swana. Ge Basamaria ba O amogetše, ba hwetša go hlabelwa, ba bile le selo sa go swana. Ge Bantle ba O amogetše, ba na le taelotšhomiso ye e swanago. Paulo o kopane le sehlopha ka go Ditiro 19, ba ba bilego le karolo ya taelotšhomiso, e sego yohle ya Yona, o rile, “Seo se ka se šome. O ya go bolaya selo ka moka.” Kafao o e ngwadile godimo, go bona, o ba boditše mokgwa wa go e hwetša. Ba e hweditše ka tsela ya go swana.

¹⁷⁷ Gomme seo ke se e lego taba lehono. Go na le bontši bja moreku ka Gileada, gomme re na le bomatwetwe ba bantši, eupša batho ba boifa taelotšhomiso. Letago! Tumišo e be go Modimo. A ga go moreku ka Gileada? A ga go maatla a Moya wo Mokgethwa? Bjale a a gona?

¹⁷⁸ Tlhabelo *ye* e šoma godimo ga bohole, le a bona. E dirile godimo ga Bajuda. E dirile go Basamaria. E dirile go Bantle. E dira go yo mongwe le yo mongwe ka tsela ya go swana.

¹⁷⁹ Ke nna moromiwa. Ke ya godimo ka nageng moo batho fale bao ebile ba sa tsebego seatla se setona le se setshadi ke sefe, gomme ba ema fale. Le tseba se ba se dirago ge ba amogela Moya wo Mokgethwa? Selo sa go swana le se dirago, selo sa go swana.

¹⁸⁰ Oo, ke eng? “Ke ya lena, le bakeng sa bana ba lena, le go bona ba ba lego kgole, le ba bantsi ba Morena Modimo wa rena a tlago go ba bitša.” Taelotšhomiso ye e swanago e šoma selo se se swanago.

¹⁸¹ Gomme kereke e tla dira selo sa go swana e se dirilego mo mathomong. Nnete tlwa. Jesu ke morara. Rena re makala, gomme ka go hlabelwa ka Bophelo bjo bo bego bo le ka go morara. Kereke ye e ilego ntle, ya go hlabelwa, ba ngwadile Puku ya Ditiro ka morago ga yona.

¹⁸² Bjale re na le dikemedi tše dingwe. Re na le dikenya wa tše di hlomeseditšwego. O—o phela go tšwa go bophelo bja mohlare, eupša o ka se enywe dikenya wa. Yeo ke nnete.

¹⁸³ Ke be ke eme le mogwera wa ka, John Sharrit, godimo ka Phoenix, mo e sego telele go fetile. O be a na le mohlare fao, mohlare wa monamune, wo o bego o na le e ka ba ye mehlano goba ye tshela mehuta ya dienywa godimo ga wona.

Ke rile, “Ga se nke ka bona selo boka seo.”

O rile, “Di hlomeseditšwe.”

Ke rile, “Ke mohuta ofe wa mohlare?”

O rile, “Namune.”

¹⁸⁴ Ke rile, “Gabotse, go ne swiri, gomme go ne lime, gomme go ne dinarikisi, le tangelos, le—le papalamone, mehuta ye mentši ya go fapano.” Ke rile, “Gomme tšohle tša tsona di godišitšwe go mohlare wola wa go swana?”

O rile, “Ya, tšohle ke kenywa ya mositrase.”

¹⁸⁵ Ke rile, “Gabotse, bjale, seo ke selo sa go tlaba.” Ke rile, “Bjale, ngwaga wo, ka morago ga ge kenywa yela yohle e tlogile, ngwaga wa go latela o tla tšweletša namune?”

¹⁸⁶ O rile, “Oo, aowa. Huh-uh. Aowa.” O rile, “E tla tšweletša mohuta woo lekabe le lego.”

¹⁸⁷ Gomme ke rile, “Nako yeo mohlare wola o fetogile go tloga go, o ra, go tloga go mo—mo mohlare wa monamune go ya go se...”

¹⁸⁸ O rile, “Aowa, aowa, aowa. Ge o ka tsoge wa hloga lekala le lengwe, le tšweletša pele namune.”

Ke rile, “Ke a bona.” Amene.

¹⁸⁹ Ngwanešu, re na le dilo tše bjalo ka kereke dikerekemaina di hlabetšwe ka go Bjo, le go phela go tloga go Bjona, ba ipitša bonabeng Bakriste. Eupša ge Bophelo bja kgontha bja mohlare wola bo ka tsoge bja hloga lekala le lengwe la wona mong, e tla ba Puku ye nngwe ya Ditiro ka morago ga yona, gobane O a swana maabane, lehono, le go ya go ile. Se lefase le mahumo a lona, gomme ga ba tsebe selo ka sona. Batho ba bala Beibele ye, ge o ka E bala go tšwa ntlheng ya boemo ya kerekeleina, o ka se hwetše bontši go tloga go Yona. Eupša ge o ka no lebelela go se E se bolelago, gona obamela seo taletšhomiošo e se bolelago. Le bale, Le obameleng, le tla dira motho wa go fapania.

¹⁹⁰ Ke sa tšwa go tla go tšwa India, mo e sego telele go fetile. Ke kwele ka ga mosadi godimo fa, o be a aparetšwe ke mohlako, morwa wa gagwe o be a ile India go ba ngaka. Gomme o fihlike godimo fale gomme o tlogetše bongaka, gomme a tla go wo mongwe, ke a dumela o be a le raentšeneere wa mohlagase, goba se sengwe. Gomme mosadi yo o aparetšwe ke mohlako. O be a no se be le selo, gomme bathušababotlana ba be ba leka go tla le go mo hlakomela. Gomme kafao ba nyakišišitše molato, gomme ge ba nyakišiša, ba hweditše gore mosadi o bile le thekgo e tee, gomme yoo e be e le morwa yo a bego a le monna wa mohumi ka India. Gomme ba rile, “Gabotse, gabaneng morwa wa gago a sa go hlakomele?”

¹⁹¹ O rile, “Oo, ke nno se kgone go mo kgopela.” O rile, “Ke nna mmagwe,” o rile, “bokaone ke tšee bathušababotlana go feta go kgopela morwa wa ka.”

Ba rile, “Ga se o tsoge wa kwa go tšwa go yena?”

¹⁹² O rile, “Oo, ke kwa go tšwa go yena bonnyane gatee goba gabedi ka kgwedi.” O rile, “O ngwala a mangwe a mangwalo a mabose kudu ao o kilego wa a bala.”

¹⁹³ Ba rile, “Gabotse, go bonala eke o be a rata mmagwe go lekanelo, gomme o bile le tšhelete ye ntši, o tla be a leka go mo hlakomela, sebakeng sa gore yena a ye go bathušababotlana.”

¹⁹⁴ O rile, “Gabotse, mohlomongwe ge a ka be a tsebile ke be ke le ka tsela ye,” o rile, “o be a tla dira, o be a tla ntlhakomela. Eupša,” o rile, “o a tseba, ga a tsebe, gomme ke—ke no ikwela go goboga go botša morwa wa ka, ka mokgwa woo.”

Gomme o rile, “Gomme o sa go ngwalela mangwalo a mabose?”

¹⁹⁵ O rile, “Oo, a mangwe a mangwalo a mabosebose!” Gomme o rile, “O nthomela diswantšho tše botsebotse kudu le kilego la di bona.”

O rile, “Diswantšho tše botsebotse? Kafao a re boneng tše dingwe tša tšona.”

¹⁹⁶ O ile a phetla Beibele ya gagwe, gomme o di ntšhitše. Le a tsebe di be di le eng? Mangwalo a pankeng. India e bea

diswantšho godimo ga mangwalo a panka tša bona, le a bona, diswantšho tše botse. O be a na le diketekete tša ditolara, di fotoletšwe go tšwa go tšelete ya India go ya ka go tšelete ya Amerika. E be e le eng? Ka maphepheng a Beibele ya gagwe, o bile le mahumo ao a bego a gopola gore a be a “no ba dinepe,” eupša, go tla go hwetša ntle, e be e le boleng bja kgonthé go yena.

¹⁹⁷ Gomme, ngwanešu, ge o leka go bala ka mollo wa go pentwa wa Pentecost, gomme yo mongwe o leka go go botša gore Moya wo Mokgethwa ga o swane lehono bjalo ka ge o bile nako yela, yo mongwe o leka go go botša matšatši a mehlolo a fetile, gore Jesu Kriste ga a swane maabane, lehono, le go ya go ile, gore ba leka go go botša, o se e dumele. Tšona ga se diswantšho. Modimo Ramaatlakamoka o rometše molaetsa wola go wena, yeo ke nnete, “Ke ya lena, le go bana ba lena, go bona bao ba lego kgole, ebile bontši ka fao Morena Modimo wa rena a tlago go bitša.” Modimo e sa le Modimo. Jesu Kriste o a swana maabane, lehono, le go ya go ile.

¹⁹⁸ O thwi mo, bošegong bjo, go phološa balahlegi, go fodiša balwetši, go tlatša ka Moya wo Mokgethwa, bao ba hlologelago go tlatšwa. O dumela seo, a ga o? Ee, mohlomphegi. Ge o e dumela, gona, o a bona, tšeou ke ditshepišo tša Modimo ka go Lentšu le fa, o ka kgona go tsena thwi ka kua gomme wa hwetša tshepišo ye nngwe le ye nngwe. Tshepišo ke ya gago. Petro o rile, “Tshepišo ke ya lena, le go bana ba lena, le go bona bao ba lego kgolekgole.” O se boife go dira yeo tšelete. Leo ke lengwalo la panka go Legodimo. Yeo ke nnete. Jesu Kriste wa go swana maabane le go ya go ile!

¹⁹⁹ Go ka reng ge A eme mo bošegong bjo gomme a bone mosadi yola a robetše kua a babja? O bonala eke o babja kudu, o golofetše, ka kgonagalo a golofetše goba se sengwe. Basadi ba babedi... Mosadi, le monna wa lekhalate le mosadi wa lekhalate, ba leka go šoma le lesea le lennyane, le nagana O tla dira eng ge nkabe A eme a lebeletše bona balwetši ba babedi fale, bjalo ka mofodiši? A le nagana A ka kgona go ba fodiša? O šetše a e dirile, le a bona. Ge A ehwa kua Khalibari, O e dirile. A le dumela yeo, balwetši? A le dumela yeo ke nnete? Wena fao le mohumagadi yo monnyane wa lekhalate, fao le lesea, a o dumela Jesu Kriste, ge A ehwa mo Khalibari, O rekile phodišo ya ngwana wa gago?

²⁰⁰ Wena godimo ga mpetiana fao, ge o... O lebega o babja kudu. O golofetše, e ka ba eng e lego, a o dumela Jesu Kriste o hwetše mo Khalibari, go go phološa go tloga bolwetšing bja gago? A o dumela seo? A o dumela gore se ke se boletšego bošegong bjo, gore ke therešo? A o dumela gore taelotšhomiso yeo ke therešo? O a dira?

²⁰¹ Ge A be a eme fa bošegong bjo, gomme o Mo kgopetše, “A O tla fodiša ngwana wa ka?” Le tseba se A bego a tla se bolela?

“Ke šetše ke dirile seo.” Le a bona, o no e dumela. Le a bona? Ge o ka re, “Mohlomphegi, ke golofetše, ga ke kgone go sepela,” goba e ka ba eng e lego. “Ga—ga ke kgone go sepela. Ke—ke a hwa,” goba se sengwe, “A O tla mphološa?” O tla re, “Ke šetše ke e dirile.” Le a bona?

²⁰² Bjale o be o tla tseba bjang gore e be e le segalontšu sa Gagwe? Ka baka la gore O be a tla dira selo se sengwe go swana le ge A dirile nako yela. A ka no kgona go go botša se sengwe ka ga wena mong, a go botša se o bego o le sona, goba se e bego e le phošo ka wena, goba se sengwe boka seo, boka A dirile nakong ya Beibele. Seo se tla laetša gore O be a swana. Eupša go phodišo, o swanetše go e amogela ka bowena. “O gobaditšwe ka baka la dikarogo tša rena; ka megogoma ya Gagwe re fodišitšwe.” A le dumela seo?

²⁰³ A o a dumela A ka kgona go mpotša bošegong bjo bothata bja gago ke eng, goba se sengwe ka wena o robetšego fao? A o ka e amogela le go ntumela go ba moprofeta wa Gagwe? O tla dira?

²⁰⁴ Go reng ka wena, mohumagadi fale kgauswi le yena, ka seatla sa gago godimo ga lesea la gago, a o dumela seo? . . . ? . . .

²⁰⁵ Ke ba bakae ba tla e dumelago?

²⁰⁶ Bjale, Tate wa Legodimong, yo ke mohlanka wa Gago. Ke no ba . . . Ke no ikarabela go rera Lentšu la Gago. Bjale, ke a tseba se ga se tlwaelege, eupša ke a rapela gore O tla e fa bošegong bjo, gore batho ba ke ba tsebe gore—gore ye ke Therešo.

²⁰⁷ Go lokile, lebelela ka tsela ye. Lesea la gago le na le mohuta wa bolwetši bja marapo. Yeo ke nnete. Le na le go kokomoga mo gogolo ka leotong. A yeo ke nnete? Bea seatla sa gago godimo ga lona, bušeletša gomme o re, “Morena Jesu, fodiša lesea la ka, ke tla Go direla bophelo bja ka bjohle.” Ge o se wa ke wa tšea go hlabela mo, wa E dumela ka pelo ya gago yohle. Gomme bea lenti go dikologa leoto la lesea lela, bošegong bjo, le go le ela. Gomme morago tliša lenti morago bosasa, moo o le ripilego, ke bontši gakaakang le šošobanego magareng ga bjale le gosasa bošego. A o tla dira seo?

²⁰⁸ O robetše fale, wa go latela, a o ntumela go ba mohlanka wa Gagwe? Ga se nke ka ke ka go bona, bophelong bja ka. Eupša o robetše fale, o apešitšwe moriti go iša lehung. Go na le moriti wo moso godimo ga mosadi. O a tlaišega, go hwa ka kankere. Yeo ke nnete tlwa. Gomme o a dumela gore Modimo o tla go dira o fole? A o ka kgona go e dumela? Gona gobaneng o robetše fao go fihla o ehwa? Ngaka a ka se kgone go fodiša seo. Phagamela godimo, Leineng la Jesu Kriste, gomme o tšee malao a gago gomme o ye gae.

²⁰⁹ A o a dumela? Bohle ba nyakago go dumela le go amogela phodišo ya lena, emelelang ka maoto a lena gomme le leboge Modimo.

Mo tsee ka letsogo, ngwanešu.

²¹⁰ A re reng, “Tumišang Morena,” yo mongwe le yo mongwe. A le a Mo dumela? Phagamišetšang diatla tša lena bjale go Modimo, gomme le Mo tumišeng. A le a dumela? A ga go moreku ka Gileada? Maatla a Modimo a ka kgora go dira seo!

²¹¹ A re phagameng ka maoto a rena, yo mongwe le yo mongwe bjale, ka tumelo go e dumela. Emelang ka maoto a lena, yo mongwe le yo mongwe, gomme le amogele topollo, Leineng la Morena. Amene.



GOBANENG? NST63-0626
(Why?)

Molaetša wo ka Ngwanešu William Marrion Branham, setlogong o abilwe ka Seisimane ka Laboraro mantšiboa, June 26, 1963, ka Associated Brotherhood Of Christians Campground ka Hot Springs, Arkansas, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org